

2

DEPLORATIO
PACIS GERMANICÆ,
SIVE
DISSERTATIO
DE
PACE PRAGENSIS,

XVIII

Tam infaustè quam injustè inita Pragæ Bohemo-
rum 12 Maii: M. DC. XXXV.

*In qua artes & technæ Austriacorum, discordia Saxonum,
pericula Protestantium, & aequitas belli à Francis &
Suecis jure prolatis evidentissimè ostenditur,*

AUTHORE JUSTO ASTERIO J. C^{to}.

Jerem. vi. §. 14. & viii. §. 11. Sanabant contritiones populi mei
ad ignominiam, dicentes, Pax, pax: & non erat pax.




Iuxta Exemplar

LUTETIÆ PARISIORUM,

Sumptibus SEBASTIANI CRAMOISY, Typographi Regii
ordinarii, viâ Jacobæâ, sub Ciconiis, M. DC. XXXVI.

CUM PRIVILEGIO REGIS.

S V M M A P R I V I L E G I I
à Christianissimo Rege concessi.


UDOVICI XIII Gallia & Navarra Regis aucto-
ritate sancitum est, & patentibus ejus literis cautum,
Ne quis in regno ipsius, aliisve locis ejus ditioni subje-
ctis, intra decem proximos annos à die perfecta prima
Impressionis inchoandos ac numerandos, excudat, vendat, excu-
dendum, vendendumque quovis modo & ratione curet Librum,
qui inscribitur Dissertatio de pace Pragensi, Autore Justo
Asterio JC^{to}, prater Sebastianum Cramoisy Typographum Re-
gium, & Bibliopolam Juratum Parisensem; aut illos quibus ipse-
met concesserit. Prohibitum insuper eadem auctoritate Regis om-
nibus ejus subditis, eundem Librum extra regni sui limites im-
primendum curare, vel quempiam ubicumque fuerit, ad id agen-
dum impellere ac instigare, sine consensu dicti Sebastiani Cra-
moisy, sub pena confiscationis Librorum, aliisque penis origi-
nali diplomate contra delinquentes expressis. Datum Parisius,
8. Julii. 1636.

Sic signatum,

De mandato Regis,

V I C T O R.





LVDOVICO XIII.

GALLIÆ

ET

NAVARRÆ

Regi Christianissimo victoriam & felicitatem
perpetuam precatur

I. A. D.



Profero Majestati tuæ, DOMINE, defensionem litis libertatisque communis, quam tuis sub auspiciis orbis universus præstolatur. Nemini causa ejus rectius consecrari, quia à nemine fortius potest vindicari. Rei præstantissimæ controversia est publica: ideo non nisi apud eos agi debet, quibus incumbit salus publica. Orbis Christiani securitas impetitur: iccirco solatium ab eo duntaxat accersendum, qui cum possit vult, & cum velit potest solus tranquillitatem orbi red-
* 2 dere.

dere. Ambitio hostium insatiabilis, dum bellum præparat. Europæ, pacem fucatam publicat Germanis: ut apertè possit fallere, occultè paciscitur: ut tutius decipiat inermes, bellum ex Imperio nomine tenus eliminat. Pactionem hanc fraudulentam rejecit Suecorum virtus, repulit Francorum fortitudo, despexit Protestantiam constantia. Hac de causa ut pacis communis hostes, & quietis publicæ turbatores proscribuntur: & quamvis armis concordiam petant communem, soli & innocentes belli diuturni culpam sustinent. Calumniæ isti obviam imus hoc opere, & spicula in adversarios retorquentes ostendimus, eos solos pacis hostes esse conjuratos, qui quietis nomen ore circumferentes, corde bella perpetua meditantur ac discordias: & tyrannidi libertatem, invasionibus pietatem, conspiracyonibus securitatem publicam prætexentes, fucata specie & specioso fuce rebus turpissimis honestissima nomina, & honestissimis nominibus res turpissimas attribuunt. Quasi vero Vos arma illis spontè inferatis, non verò Vobis ac sociis ultrò illata coacti repellatis: aut illi pacem unquam obtulerint nisi iniquam, Vos verò æquam aliquando recusaveritis: aut denique illi firmam tranquillitatem sperare possint, quamdiu sibi aliena, & quæ habent retinent, & quæ non habent vendicant!

licant ! Verumtamen hominibus , quibus nullus
superit extranea occupandi titulus, vocum fallacia
persequi opus est , & sibi credulos tam dictis
quam factis decipere. Tu DOMINE, qui iustitia
comite omnia peragis, verborum involucris non
indiges ; sed quem vita præstas , verbis candorem
exprimis. Quippe publicæ tranquillitati, non pri-
vatis commodis invigilans, tua ita defendis, ut alie-
na non concupiscas : socios ita protegis , ut ritu
hostium non opprimas : & cum nemini facias, fa-
ctam tamen fœderatis ulcisceris injuriam : Im-
periique tui terminos magis gloria gestorum ,
quam prolatione limitum promotes. Vnde in-
ter tuos & hostes sicut nulla potest esse collatio
populorum , vel comparatio virium ; ita ingens
insuper est dissimilitudo causarum. Illi cupidita-
tem horribilem omnibus dominandi profiten-
tes, ex privata regnandi libidine litem faciunt Ec-
clesiæ vel Imperii : illacessiti arma violenta refra-
gantibus inferunt : populos speciosis nominibus
nescatos ambitioni suæ servire cogunt : & Ger-
maniam gravissimo bello jam à multis retrò an-
nis oppressam , viribusque & opibus omnibus ex-
haustam , desperationis necessitate sub jugum
mittere tentant. Tu ditionibus avitis , triumphis
propriis contentus , arma nunquam sumis, nisi

* 3

invitus,

invitus, nunquam ponis nisi volens ; iisque duntaxat ad Tuorum , sociorum & juris communis defensionem usus, libertatem omnium, securitatem singulorum , & salutem Europæ eadem tueris alacritate, qua moderaris æquitate. Vnde fit, ut, cum ab illis Imperii videatur appetita captivitas , à Te repetita libertas ; ab illis turbatus orbis , à Te pacatus ; ab illis oppressa , à Te restituta Germania : ita supernis legibus cuncta cadant, ut tecum militante iustitia , virtute , felicitate ; cum hostibus stante perfidia , ignavia , calamitate ; providentia alteri vestrum fateatur se victoriam, alteri debere vindictam. Accipe igitur REX CHRISTIANISIME actionem causæ publicæ, & quam opere vindicas, scriptis agnosce belli continuati innocentiam. Pateat libertatis defensionis Majestatis tuæ præsidium , quæ à prima ætate exulibus asylum , fœderatis refugium , afflictis salus, & populis omnibus certissimum fuit solatium. Hac freti socii & bellum ab hostibus non metuent, & pacem à Te legitimam sperabunt : quam cum jus libertatis communis obtinueris, voles ; cum volueris, dabis ; & cum dederis, in perpetuum conservabis.

B R E.

REVIARIUM SEV CONSPECTVS TOTIUS OPERIS.

tractationem Pragensem ab Imperatore & Saxone contra Protestantes, Suecos & Francos initam, pag. 3. probatur esse nullam, irritam, iniquam, pag. 5. ex quinque capitibus seu Nullitatibus generalibus.

P R I M A NULLITAS ex parte Imperatoris. pag. 5.

1. *Quia tractatio de bonis Ecclesiasticis excedit potestatem Cæsaream.* pag. 7.
- *Quia fundata est in Transactione Passaviensi, qua nullum est apud Austriacos momenti.* pag. 8.
1. *Imperatores ipsi fatentur sui juris non esse, quicquam in negotio religionis statuere.* p. 10.
- *Ideoque ejusmodi pactis cum Hereticis sese obligatos non esse.* p. 10. 11.
- *Quia ipsa tractatio Pragensis Imperatori & Catholicis perquam est ignominiosa.* p. 12.

S E C U N D A NULLITAS ex parte Ducis Saxoniz. p. 13.

- Quia ipse, licet Protestantium principem se ferat, tamen divorzio isto suas sociorumque vires pessumdat.* p. 13.
- *Quia tractatio pacis communis excedit potestatem Ducis Saxoniz.* p. 14.
 1. *Quia Transactio ista Duci Saxoniz Protestantibus damnosa est & infidiosa.* p. 15.
 - *Es ex immani ingratitudine, & horrenda proditione emanat.* p. 16, 17.

T R I A NULLITAS ex parte Protestantium. p. 19.

- Quia Protestantes incitati à Saxone bellum Imperatori intulerunt.* pag. 19.
- *Quia non ad pacem, sed ad bellum novum consentire coguntur.* p. 20.
 1. *Regnum Bohemia familia Austriaca male redditur hereditarium.* p. 22.
 - *Silesia insons juribus suis spoliata.* p. 25.
 - *Lusatia inique à Regno Bohemia distracta.* p. 27.
 - *Dignitas Electoralis Palatina male in Bavarum translata.* p. 28.
 - *Bavaris ex antiquo jure nullum in Electoratu.* p. 30, 31.

Q U A R T A

- QUARTA NULLITAS ex parte Suecorum. p.36.
- I. Quia Sueci suo nomine belligerantes, suo etiam jure pacisci debent. ibid.
 - II. Quia Dux Saxonia privato nomine Suecis ultrices Diras debet. p.37.
 - III. Quia Sueci fœdera & militiam turpiter deferere non possunt. p.38.
 - IV. Nec sub infida Saxonu cautione cum Austriacis pacisci audent. p.39.
- QUINTA NULLITAS ex parte Francorum. p.40.
- I. Quia Rex Christianissimus protectionis jure fidem Catholicam in Imperio conservavit. p.40,41.
 - II. Protectio Principum & Ordinum Imperii, Regi Francorum crimini dari non potest. p.41,42.
 - III. Illustrissimus Trevirorum Elector justè & opportunè Francorum protectionem obtinuit. p.42.
 - IV. Quia Caesar lites privatas Hispanorum cum Francis toti Imperio communes facere conatur. p.45.
 - V. Quia Imperatorem causa Lotharingica nihil attinet. p.45,46.
- Rejiciendam igitur conspirationem istam Triumviralem; & pacem veram, honestam, & universalem, communibus armis propugnandam, concluditur. pag.46,47.

In natales Transactionis Pragensis.

*Praga atrox orbi qua protulit impia bellum,
Quo pacto pacem redderet illa bonam?*

T. S. B.

DISSERTATIO

DE

PACE PRAGENSI.

PA C I S augustum nomen, alma fecunditas, optanda felicitas; pacis beata semper possessio, nunquam non appetenda concessio. Neminem profecto mortalium adeo ab humanitate alienum reos, qui requiem tam necessariam imperio, tam salutarem patriæ velit invidere: quippe sine quæc privati foci, nec publicæ leges, nec societatis communis jura ueant subsistere. Neminem tam barbarum & efferatum arbitror, ut cæteris paribus togæ sagum, paci bellum malit anteferre: cum in hac rerum vicissitudine ex negotiis otium, ex turbis quies, ex armis amor quærat & concordia. Cæterum ubi dominationi libertas, exitio salus Reipublicæ, & iniquissimæ conspirationi speciosum pacis nomen prætextitur; ubi obtentu uietis miles inquietas lares alienos populatur; ubi denique contentio insidiosa veniæ illecebra est potentis: sapiens quisvis paci fidæ Martem etiam ancipitem, exitio certo salutem incertam, dominationi juratæ servitutem præferet injuratam. Fateor quidem miserimæ Germaniæ nihil contingere posse, aut certum ad salutem, aut nobilius ad gloriam, aut optatius ad pristinam felicitatem; quam si consensu Principum, & pietate procerum, auitæ concordis, & pene jam oblitis tranquillitati restituantur: nec minus gloriæ partum iri Imperatori, qui patriam cladi-

A

bus

bus exhaustam, populos priorum temporum injuriis efferatos, & more Barbarorum in sua viscera sævientes, dulci pacis vinculo ad concordiam redegerit; quam divinitatis tributum fuit ei, qui primus tot gentes, tam diversas moribus animi, quam climatum situ, in unum corpus coëgit, & legum juriumque communione amplissimam Europæ Rempublicam constituit. Verumtamen Transactioe Pragenſi non mitigata odia, sed inflammata; non posita arma, sed duplicata; non imminutas proſcriptiones ſectioneſque, sed ultra ſas & jus extenſas, tristiſ clamitat experientia. Nam poſtquam in ipſo ſtatim frontiſpicio Principes exteri fuerunt excluſi, in progreſſu pleræque Germaniæ arces, civitates, regiones inter procereſ dividuntur: reliqui non cauſa, ſed robore impares, proſcripti ditionibus patriiſ exuuntur; ſpolia provinciarum, exuviz exulum, bona peremptorum applaudentibus diſtribuuntur: mox confirmandiſ tutandiſque uſurpationibus, exercituſ octuaginta legionum Germaniæ imperatur; & quaſi leges & judiciâ pacificationem iſtam reſpuerent, negotia Camere Imperialiſ & Conſiſtorii ſacri proſuſ indeciſaſ relinquuntur. Non ullum hic ex pace ſolatiuſ, vel minimuſ quidem tranquillitatiſ publicæ fruſtuſ oſtenditur: quin potiùſ bellum inexpiabile omnibuſ indicitur, qui vel de illariſ injuriis conqueri, vel de conſpirationiſ hujus iniquitate muſſitare auſi fuerint. Non hic, quod pace legitima decebat, priorēſ Ordinum contributioneſ, regionum populationeſ, ſubditorum tribulationeſ ſublataſ, ne mitigataſ quidem; ſed in immenſum auctaſ, ediſto publico ſtabilitaſ, & (ſi Diis placet) ex ſtipendiis extra ordinem factaſ ordinariæ. Nationeſ Barbaræ ex Imperio non abductaſ vel ejectaſ, ſed velut diluvio quodam ſuperfuſaſ, & quaſi portis patentibuſ globatiſ immiſſaſ: Ne dicam vacuataſ municipibuſ ſuiſ urbeſ, impletaſ fugitivis ſolitudineſ, vitorum civitatuſque teſtataſ innocentiaſ bona publicataſ, capita diminutaſ, vitam ære taxatam. Adeo luce meridiana clariuſ eſt, præſata tranſactione non tam quaſituſ, ut labentibuſ fortuneſ patriæ conſuleretur; quam modiſ omnibuſ tentatuſ, ut reſtantibuſ Imperii Ordinibuſ ſub paciſ nomine illuderetur; ut reliquaſ Proteſtantiſm

vires

vires afflictis Austriacorum rebus succurrerent : ut arma com-
 munia totis viribus in rebelles, ut vocant, & externos verteren-
 tur: atque ita pro concordia discordia, pro fide perfidia, pro
 bello iusto nefarium & detestabile susciperetur : & quæ turbis
 luodeviginti annorum superstes fuerat Germania, pacificatione
 quadrimestri tandem pessumdaretur. Scilicet vergentibus do-
 nus Austriacæ fati, nihil jam fortuna præstare majus potuit,
 quam hostium discordiam: inclinantibus jam pridem aquilis ni-
 hil accidere potuit gratius, quam ut quos metuerant conjunctos,
 dissiparent separatos: & quos armorum robore superare hæc-
 tus non valuerant, nunc subdolæ pacis prætextu inciscarent. Nec
 xiguum sanè fuerat operæ pretium, uno calami traçqu tam in-
 gentes exercitus dividere, tot Protestantium fœdera tam solem-
 iter jurata dissolvere; potentissimos inimicorum vertere in
 micos; pro adversariis adsciscere auxiliares; fidem Germa-
 nicam perfidiæ nomine apud externos traducere: efficere deni-
 ue ut dum singuli pugnant, singuli vincantur; nec potentiores
 lio quam Vlyssis privilegio gaudeant, primitus servandi, ultimò
 evorandi. Assumptus est in negotiationis hujusce partem Illu-
 cissimus Dux Saxoniz, ut viribus superior, ita gloria rerum ge-
 arum inferior: qui æmulatione nescio qua, an potius invidia
 Storiarum Suecicarum, quum æquas honoris partes indipisci
 on posset, defensorum suorum maluit esse hostis & decoctor,
 iam socius & debitor: eò iniquiore fœderis istius tempera-
 ento, quod quomodocunque res cecidissent, certus erat, se
 blevando alios, universam belli Germanici molem in seipsum
 bditosque suos derivaturum. Certè Imperatori nihil magis
 : voto obvenire potuit, quam immensum belli onus, sub quo
 sius regiones jam dudum fatiscebant, distrahere; ejusque po-
 limam partem humeris præcipui Electoris imponere; indubi-
 ta conjectatione, sive ille vinecretur, sive vinceret, se utrovis
 odo de hostibus triumphaturum. Ita quæ sita diu, obtenta se-
 :l pacificatione, ut propriis commodis devinceret singulos, &
 mmunione spoliolum hostes verteret in socios, Electori Sa-
 niz, præter bona Ecclesiastica jam ab annis centum & amplius
 usur-

usurpata, Marchionatum Lusatiz, ipsiusq; filio Archiepiscopatum Magdeburgensem: Duci Bavariz Electoratum Palatinum, & civitatem Donawertam: Principi Brandenburgico Pomeraniz, Luneburgensi Ducatus Brunsvicensis feudum concessit: & Ducibus Megalopolitanis pacificam regionis suæ possessionem, quam jampridem virtute Suecorum obtinuerant, indulxit. Sibi ipsi jus hæreditarium in regnum Bohemiz, eique unitas provincias Silesiz, Moraviz, &c. auctoritatem summam in dijudicandis rerum sacrarum profanarumq; controversiis, & dominium peculiare arcis Philippicz sumpsit: Regi Hungariz imperium absolutum in omnes legiones Germaniz, & filio minori natu Episcopatum Halberstatis retinuit. Principes denique, si non jure, certe armis, ut videbantur inferiores, puta Palatinos, Chantos, Wirtembergenses, partim supplices ad impetrandam veniam provolvi jussit, partim in secreto proscriptorum albo ab omni spe veniz & *amnistias*, ut vocant, submovit: non potiore ductus argumento, quam ut ejectorum exuviis reliquos, qui fidelem ipsi operam vel olim navaverant, vel nuper sponde- rant, remuneraretur. Hac ratione unitis Imperii viribus, titulo recuperandæ Lotharingiz, Francis: specie vindicandæ libertatis Germanicæ, Suecis bellum internecivum indixit: non alia motu ratione, quam quod duo ista regna potentiz Austriacæ & Monarchiz Ibericæ fatales hæcenus remoras objecissent. Trium viros ferunt, ut inauditz suæ proscriptioni benevolentiam populi conciliarent, proceres partim possessionibus occisorum, partim Magistratibus sacerdotiisque defunctorum inescasse: milites patrimonii devictorum, & commeatibus urbium sine pretio suppeditandis devinxisse: claves decima prædiorum, & altera reddituum parte mulcasse; summi beneficii loco imputantes, quod à quibus decima bonorum exigeretur, eis ne decima quidem facultatum relinqueretur. Verum intra privatos parietes rabies ista sistebat, unius urbis termini cædibus metas ponebant, & carnificina paucorum redimebatur incolumitas omnium. Hic omnium civium, omnium provinciarum idem est discrimen: nulla urbs, nulla regio, municeps nullus belli difficultatibus exemptus:

Dian. Hist.
lib. xlv.
pag. 335.

emptus: nullus Germaniæ angulus militum rapinis inaccessus: Federati æque ac hostes contributionibus immensis opprimuntur, & quasi bello octodecennali nondum satis sanguinis effusum esset in Germania, arma adhuc sociorum cedere cruenta in Galliam & Sueciam transferuntur. Attamen, quicquid humana allaboret *Propositis*, industria, quicquid in innocentium perniciem molitur invidia, manet invicta causæ communis æquitas: nec hæctenus malè cogitatus successus, nec pessimè cæptis adfuit eventus: quin æquè infelix restat pacis istius executio, quam injusta prius fuerat ejusdem tractatio. Adeo verum semper illud providentiæ cætatum, fortunam respondere propositis, sortem conformari ingeniis, nulumq; consilium consultori esse pessimum. Nec mirum sanè pacificationem tam infausam, tam iniquam, bellum, magis accendisse, quam extinxisse: cum ejus Authores unicum hoc egerint, ut bono publico præferrent rationes privatas; stabilitatem jam ruina redimerent aliorum; & pro quiete quorundam securitatem omnium impenderent. Sic abeuntibus in diversa studiis artium, pro pace universali prodiit transactio particularis, Imperatori dedecora, Saxoni turpis, Protestantibus infida, exclusis ista, externis propudiosa: & tam ratione contrahentium, quam *Confirmatio* *1. ex parte* *Imperatoris*, causa eorum, contra quos contracta fuit, nulla & invalida. Nam imo, ut omittam non posse paucos Germaniæ Principes, qui causa communi non sunt iudices sed litigantes, in conventu privato statuere de rebus Imperii: controversias in Comitibus generalibus componendas, in recessu Pragensi pro libitu ponderare: de pace ad tranquillitatem orbis Christiani spectante, tra secreta unius urbis conferere: & denique ex angulo unius gni, tot Principibus, Dominiis, Regnis bellum exitiale incitare: illud certum est apud Doctores partium Austriacarum, non posse Imperatorem fœdus legitimum, & stabile sancire cum hæreticis ea conditione, ut prædia & jura Ecclesiastica, nuper iis usurpata, liberumque hæreseos exercitium in Imperio eis concedat. Ita præter alios jam pridem docuit Jacobus Simancha *Extat in* *Treatatum* *tom. II. p. 11.* *etiam* *p. 181.* *Ad hæreticorum istorum (Lutheranorum) panam & odium*

etiam pertinere, quod fides illis data servanda non sit, non obstante juramento. Et statim ait, cum hæreticis nullum commercium, nec pacem ullam esse posse: ideoque fidem illis datam, etiam juramento firmatam, nullo modo servandam esse. Sæpe (addit) id à nobis dictum, necesse est tamen incessabiliter iterari, & tamdiu non taceri, quandiu pacis illud nomen obtenditur. Ita Conradus Brunus J. C. & Cancellarius Othonis Truchsessii Episcopi Augustani, eo ipso tempore, quo Transactio Passaviensis in Imperio sancita fuit, lib. 3. de Hæreticis, c. 15. hanc ponit quæstionem, An rata sint & valeant pacta, conventiones, leges & rescripta, quibus Hæretici pacem & securitatem impetrant, ut qui eos offenderit, fracta pacis teneatur? Item, quibus permittitur, ut Ecclesias reformare, Ecclesiarum bona possidere, administrare & dispensare possint, utque Ecclesiastica jurisdictio contra ipsos suspendatur? Et respondet dilerte, non valere: cum Hæreticus Catholico nullam pacem esse posse; Et esse conditionem iniquam & blasphemam, qua Hæreticus permittitur, ut dogmata sua doceant. Et in fine ejusdem capituli subjicit: Hodie nulla pax rata esse potest, qua cum Hæreticis ea lege contrahitur, ut offendi non possint. Horrendam & abominandam esse pacem ea conditione initam, ut qui eos offenderint, fracta pacis condemnentur. E contra, omnia divina & humana jura illos extinctos velle. Ita nuper Martinus Becanus, Theologiæ Doctor & Professor Moguntinus, in disputatione de fide Hæreticis servanda cap. 10. p. 88. & sequentibus docet, libertatem sive passionem illam religionis, qua liberum permittitur esse Catholicum vel Lutheranum vel Calvinistam, omnino esse illicitam, & divino præcepto repugnantem: nec aliter quam aliquo tempore, majoris damni vitandi causa tolerari posse. & p. 94. Sciunt omnes, etiam si quid speciali rescripto vel pacto, hujusmodi hominum generi impetratum sit, id non valere. Ita nuperrime liber de compositione pacis inter Catholicos, & Augustanæ confessioni adhærentes, jussu & autoritate superiorum editus Dillingæ M. D. C. X X I X. & à Doctoribus Facultatis juridicæ Archiducalis Academix Freiburgensis approbatus, atque edito illi restitutorio 6. Martii 1629. commentarii loco succenturiatus, passim ex professo docet, Transactiones ejusmodi Catholicorum cum Hæreticis & Lutheranis ipso jure esse nullas, illicitas & infelices: Et hujus

Extat
Tractat.
tom. XI.
p. 305.

Extat edita
Moguntia
1607.
& recusa
1619.

huius assertionis plures allegat rationes, quarum brevitatis causa præcipuas tantum delibabo. Prima ejus ratio est, quod ejusmodi Tractatio excedat terminos Jurisdictionis secularis, etiam Imperatoris. Sic docet c. v. q. 25. n. 20. p. 114. his verbis: *Neque voluerunt, neque potuerunt Imperatores sua auctoritate decernere, quod beneficia Ecclesiastica quædam à Confessione istis occupata, iis reliqui debeat: Et p. 122. Excedit enim omnem secularem, etiam supremam Cæsaream potestatem, si statuatur, ut bona Ecclesiastica & beneficia, à legitimis Ecclesiasticis prælati & beneficiarii, translatæ ad personas Laicas, incapaces talium, & à fide Catholica alienas, penes easdem permanere debeant: Jurisdictione in bona pariter & personas, Episcopi & Prælatis reliquis secundum exercitium & usum adempta.* Secunda ratio, quia princeps Catholicus non potest se promissis ullis obligare ad tolerandam Hæresim, exponitur ejusdem capituli q. 26. n. 27. p. 133. his verbis: *Per se loquendo & seclusa necessitate illicitum est Magistratui & in Deum injuriosum, Hæresim tolerare: Et statim n. 30. Et si quandoque ad aliquod tempus Hæresim tolerare liceat, non tamen licet promissis vel juramentis obligare ad eandem tolerandam, quia ex l. 5. de pactis, irritum est pactum, quo aliquis invitatur ad delinquendum. it. n. 31. Quod si aliquando Magistratus Catholicus, in extremo necessitatis casu prudenter se obliget ad subditos Hæreticos certo tempore tolerandos, tamen ut in perpetuum talis promissio fiat, vix unquam licitum esse potest. Ratio ibidem subjicitur disertæ: quia Hæresim in re ipsa sua permittere vel promittere magistratus non potest, nisi ob gravissimum Reipublicæ malum declinandum. Atqui nullum gravius atque periculosius Reipublicæ malum esse potest, quam si hæresis ita introducta sit, nullo unquam tempore eam prohibere ac tollere liceat.* Tertia ratio ducitur ibidem. q. 28. n. 47. quia nimirum summi Pontificis auctoritas & approbatio intervenire debet, ut scilicet cum hæreticis de tolerandorum religione licite intractetur. Cum enim tale scilicet cedat in Ecclesiæ detrimentum, & indirectè versetur circa materiam spiritualem, videlicet circa permissionem religionis falsæ, ideo nihil hic decerni debet in conspectu Pontificis. Idem vero & Tractatus Passaviensis, & pacificatio Pragensis nunquam à summo Pontifice approbati fuerunt. Ergo ex sensu Doctorum Austriacorum nullius sunt valoris vel momenti.

*It. Quia
fundata est
in tractatu
Passaviensi.*

ti. Quod eò magis animadvertendum, quia pacificatio Pragensis in præcipuis sui partibus fundata est super Transactione Passaviensi. Sic enim in frontispicio diserte ait articulus I. *Quantum ad bona Ecclesiastica mediâtè à S. Imperio depēdētia attinet, Constitutio Tractatus Passaviensis sarta tella maneat.* Sed ex doctrina eorundem Doctorum, in Præfatione lib. citati, & c. v. q. 25. p. 115. *Pax Religionis cum Lutheranis inita Patavii Noricorum 1552. & confirmata Augusta 1555. non est conventio, transactio & sanctio pragmatica & perpetua: sed tantum pactum, conventio & constitutio temporaria: qua ut Imperatoris autoritate, ex plurium Ordinum Imperii consensu introducta & stabilita est; ita simili successoris potestate, pluribus imperii principibus ita volentibus aboleri potest. Imo in se ipsa haud magni est valoris; quippe quæ & armis à Carolo V. sit extorta, & urgente necessitate à Ferdinando I. Lutheranis sit indulta. Ita enim Compositio pacis sæpius citata c. v. q. 24. p. 109. ait, Anno 1554. Cum Carolus V. pacificatoriam Transactionem cum Confessionistis institueret, tam perturbatus rerum erat status in Imperio, ut Cesar ignoraret, quid consilii capiendum esset: ideoque adversus atibus & angustis se pressum faceret pacem Hæreticis concessisse: & res desperatas Catholicorum in Germania divina voluntati commendasse, donec tempus & occasio fortunatior se offerret. Idem jam pridem docuit Iohannes Paulus Windeck in deliberatione de Hæreticis extirpandis, impressa Colonia cum gratia & privilegio Cæsareæ Majestatis, art. 3. in responsione ad 4. object. p. 324. *Quod hac pacis formula Cesar Protestanti- bus cavet, summa necessitate adactum fecit: Nam irruente tum in Austriam Turca, necesse erat omnes undiquaque vires contrahere. Præterea etiam si liberrima fuisset pacis istius Transactionio, tamen ex sententia Doctorum præfatorum, per eam Lutheranis nullum jus in bona Ecclesiastica, sed tantum juris Episcopalis suspensio concessa fuit. Sic diserte docet liber de compositione pacis c. v. 1. q. 30. n. 4. 5. 6. 7. cum ait, Transactione Passaviensi nullum jus vel autoritas concessa fuit Hæreticis, detinendi vel usurpandi bona Ecclesiastica, aut confessionis Augustana in Imperio docēda contra Catholicam veritatem: sed tantum jurisdictionis Episcopalis & actionum Catholicis competentium suspensionem impetrarunt. Et disertius n. 5. Catholicis bona Ecclesi-**

Ecclesiastica & exercitium suae religionis possident ex jure suo proprio & pristino: Confessionista autem, quibus jus nullum competit, ea solum detinendo habent: & prater jus & contra fas fruuntur permissione & indulgentia ipsis concessa, non sine Catholicorum praesidio, & damno. Imo Haereticos sua exercitium tantum habent ex privilegio & jure speciali. Constat enim speciali jure, gratia & indulgentia in Imperio susceptam esse Confessionem Augustanam, cum ubique gentium repudietur. Vnde statim n. 7. corollarii loco infert; Immerito queri Lutheranos, quod Catholici Augustanam confessionem appellent meram tolerantiam: cum certum sit eam aliquoties in Imperio damnatam, nunquam approbatam, sed tantum toleratam fuisse. Nec hac in re injuriam fieri Lutheranis, quippe qui nullos edere possint titulos vel instrumenta possessionis seu detentionis suae, quam vim & intrusionem: cum contra Catholici, licet antiquissima possessionis praescriptione tuti sint, tamen ex supersuo ubique offendant titulos suos & instrumenta. Praeterea, etiam si Tractatus Passaviensis indubitata esset auctoritatis, tamen ex opinione Catholicorum, Protestantes modis quam plurimis sanctionem illam violarunt, & quantum in se fuit, omnino abrogarunt. quippe qui non modo post illam publicatam A.C. 1552. & 2555. tres Archiepiscopatus, quatuordecim Episcopatus, & plusquam trecenta beneficia ac Monasteria (inter quae soli Dominicani dicuntur ultra septuaginta defilicare) ejedus Catholicis per vim & intrusionem occuparunt, ita particulatim demonstrat Declaratio pacis Religionis inter Catholicos & Protestantes Imperii proceres inita, Monachii, & videtur, excusa 1629. in 4.º sed etiam introductis quamplurimis novis dogmatibus, de ubiquitate corporis Christi, de libero arbitrio, de Missa seu Eucharistia, Confessionem Augustanam ex formulam Concordiae, A. 1580. editam, ita alterarunt, ut odie nulli reperiantur in orbe Protestantes, qui adhuc verae Confessioni Augustanae, prout ab eorum Majoribus A. 1530. arolo V. exhibita fuit, adhaereant. Adde, quod multi Protestantum etiam relicta doctrina Confessionis Augustanae, in plurimis articulis Calvinii & Zuinglii dogmata sunt amplexi. Vnde luminaria clarius patet, cum pax Religionis A. 1552. saltem

B

indulta

L. Quod vero. C. de legibus. Ius speciale in confessionem non trahendum.

- indulta sit veram Confessionem Augustanam profitentibus : & verò Proteſtantes omnes multis capitibus ab illa receſſerint , eorumq; non pauci ad Calvini hæreſim deflexerint : eos ex ſententia Catholicorum , omni gratia & privilegiis per pacem religionis ſibi indultis jampridem excidiſſe , & ulteriore tolerantia ſe indignos reddidiſſe , ut fuſe ſingula probat liber de Compoſitione pacis c. x. & x1. q. 81. & 22. p. 574. 581. &c. Neque vero Imperatores Auſtriaci unquam inficias iverunt , ſui juris & poteſtatis non eſſe in Religionis negotio aliquid contra ſacrorum canonum vel Conciliorum decreta ſtatuerè. Ita profeſſo expreſſe conſeſſus eſt Ferdinandus I. Imperator in reſeſſu comitorum
1559. Auguſtanorum A. C. 1559. die 13. Junii, his verbis ; *Excidiſſe omnem ſecularem poteſtatem, etiam ſupremam Majeſtatem Caſaream, Eccleſiaſtica bona à legitimis Prælatiſ tranſlata, ad perſonas Laicas & Hæreticas devolvi, & penes eaſdem permanere.* Ita Rudolphus II. cum libertatem Religionis Ordinibus Proteſtantiſ Hungariæ &
1606. Auſtriæ induliſſet , in literiſ ſuiſ declaratoriſ 6. Auguſti 1606. ait, *tam articuloſ illoſ, qui ad Religionem & Eccleſiaſticum Ordinem pertinent, quam reliquoſ ſic intelligendos, quatenus juramento ejus in inauguratione Ordinib; præſtiſ (de deſenſione Religionis Catholica & exiſtigatione Hæreſeoſ) contrariū non ſint.* Et hac de cauſa Carolus V. Imp. revocationem generalem edidit omnium eorum , quæ aliquando contra conſcientiam Hæreticiſ induliſſe conſitetur, datam Bruxelliſ 19. Septemb. 1555. hoc eſt paulo poſt conceſſam à Ferdinando I. Pataviū & Auguſtæ pacem Religionis : non alio fine, quam ut uno eodemque tempore libertatem, quam coactiſ per fratrem publicarat, volens per ſe ipſum annullaret. Quod eo ſanctiſ hodie fieri arbitrantur , quia poſt publicationem Concilii Tridentini 1564. per Bullam Pii I V. P. M. revocatoriæ omnium indultorum in præjudiciū dicti Concilii, *Pacta conventa, ſtatuta omnia, in hiſ in quib; decretiſ Concilii contrariantur, ipſo jure revocata, caſſata, & annullata, ac ad ipſum Concilii terminoſ atque limiteſ redacta ſunt, & eſſe cenſentur.* Et hæc ratio eſt, cur non obſtantib; cautionib; , ſyncerationib; ac capitulationib; quibuſcunque in contrariū factiſ, Auſtriaci in Palatinatu, Bohemia,

Bohemia, Hungaria, Austria, &c. ad Religionis reformationem, & Hærescos extirpationem, vi aperta semper perexerint, atque etiamnum pergant; quia nimirum omnes ejusmodi pactio- nes ac capitulationes ipso jure esse nullas & irritas, nulloque pacto vel juramento confirmari posse credunt. Ac ne longius à proposito abeamus, Ferdinandus II. tunc Archidux Græcensis, 1599. nunc Imperator, quamvis in inauguratione sua A. 1599. Augu- stanæ confessionis proceribus & subditis trium provinciarum hæreditariarum, Styriæ, Carinthiæ ac Carniolæ, conscientiæ libertatem plenè promississet; tamen initio statim regiminis, pub- lico edicto Hæreticos omnes ditionibus suis exegit: & in resolu- tione solemni proceribus trium provinciarum data Græcii ulti- mo Aprilis 1599. apertè professus est, *Hæreticos istos pro exercitio Religionis suæ nullum privilegium in sacris litteris, vel in jure divino aut humano allegare posse.* Idem, quamvis diplomate sacro Rudol- phi II. A. C. 1609. Ordinibus regni Bohemiæ sub utraque ab- undè de libero fidei suæ exercitio cautum fuisset: tamen quam- primum regni illius habenas obtinuit, plura Protestantium fana solo æquavit, ^A civesque in carcerem compegit. Unde postea im- manes illæ in Bohemia turbæ. Mox A. C. 1621. quamvis jam ad imperium evectus, Ordinibus Silesiæ solemni transactione pro- 1621. misisset, si à partibus Friderici Palatini recederent, se omnia il- lorum jura & privilegia, tam sacra quam profana, religiose con- servaturum: tamen profligato Palatino, statim contra pacta promissa professionis Augustanæ exercitium passim pro virili abrogavit. Sed & A. C. 1619. quamvis in electione sua Franco- 1619.furti, ex nova cautione inter reliquos Capitulationis Casareæ ar- ticulos, Electoribus & Principibus Imperii Protestantibus, se singulari sacramento, pro defensione pacis Religiosæ in Germa- nia obstrinxisset, tamen illo mox rerum potitus in Imperio, edi- cto Restitutorio, bona omnia Ecclesiastica in ditionibus Luthe- 1629. ranorum sita proscripsit, in iisque exercitium Religionis Augu- stanæ interdixit: quæ res funestissimo huicce Germaniæ bello insam præbuit. Quod si nunc urgente rerum necessitate, cum 1635. potentioribus Protestantium pacem annorum quadraginta bello

- bello fractus iniiit, pristinum tamen propositum, adversarios omnes sub nomine Hæreticorum exstirpandi, & specie restituendorum bonorum Ecclesiasticorum cunctis viribus exhaustiendi, nec aliam quam inter Catholicos pacem in Germania conservandi, nondum deposuit; probè persuasus, nullam Catholicis cum Hæreticis pacem firmam esse posse. Hanc intentionem sacræ Cæsareæ Majestatis palam præ se tulit liber ejusdem jussu compositus in Comitiiis Ratisbonensibus, & paulo post editus Augustæ Vindelicorum 1630. sub hoc titulo: *Fundamentapacis in sacro Romano Imperio, annuente Urbano VIII. Pont. Max. assentiente Ferdinando II. Cæsare Augusto feliciter jacta. Hoc est, Catholica Ecclesia Romana fides & Religio, erotematis quibusdam explicata*: quali dicat, nullam in Germania firmam pacem sperari posse, nisi religione & bonis Catholicorum in integrum restitutis. Quod si quandoque ad evitandum majus malum, pax Hæreticis concessa fuit ab Austriacis, factum id ad tempus, ut mox oblata meliore occasione tota belli moles in eos converteretur. Ita clarè pridem confessus est Joannes Paulus Windeck, in Consultatione supra citata, p. 414. his verbis: *Quod nonnunquam Catholici cum Sæctariis transegerunt, eo fine fecerunt, ut interea reliquis negotiis expeditis, postea unum hoc bellum contra sæctarios administrarent, omnemque ejus molem in ipsos converterent.* Ita enim Christiana dissimulatione utendum docet Petrus Ribadencira de principe lib. 1. c. 26. p. 178. *si magna pericula timeantur: & Becanus in disputatione de fide Hæreticis servanda c. 10. p. 89. ait; Si Lutherana religio commode impediri & profligari non possit, nisi cum majori damno Reipublica, tunc aliquo tempore tolerari potest, donec nimirum fors & occasio fortunatior se offerat, ut docet Compositio pacis n. 109.* Et hanc pacis ad tempus ineundæ rationem in Transactione Pragenfi observatam, res ipsa loquitur. Ea enim, etsi prima fronte Austriacis videatur ignominiosior & iniquior, quippe qua non modo sacrum illud Imperatoris Edictum de restitutione bonorum Ecclesiasticorum 6. Martii 1629. contra Lutheranos publicatum, prorsus abrogatur: sed etiam pleraque Protestantium gravamina in Comitiiis Ratisbonensibus 1630. & Conventu Lipsiensi proposita, ex ipsorum

libitu

libitu emendantur: tamen occultè Imperatorem omnibus suis 1631.
 hostibus superiorem, imo solum in imperio Dominum & Mag-
 giltrum facit; dum inter alia ei tribuit jus hæreditarium in regna
 Bohemix & Hungariæ: dispositionem liberam Collegii Electo-
 ralis & Cameræ Imperialis: Imperium absolutum in omnes
 legiones Germaniæ, & denique cognitionem plenariam litium
 & controversiarum omnium, quæ in posterum de Religionis
 pacificationisque istius negotio valeant emergere. Ita quod sini-
 stra concessisse visus est, statim manu dextera præripuit: & dum
 pacem aliquot lustrorum Lutheranis promittit, omnes totius
 Imperii vires sibi ascivit, iisdem ad primam occasionem contra
 eosdem, ut hæctenus, pro libitu usus. Iccirco etiam exclusis ab
 Amnestia Principibus minorum gentium, cum capite Prote-
 stantium potentissimo sædus sanxit, quo non modo plerosque
 rocerum suis partibus junxit, sed etiam quod potissimum fue-
 rat, validissimos hostium disjunctit & separavit; certissima vires
 idversariorum eludendi techna, si quos congregatos ferre non
 poterat, destrueret diductos. Vires unitas præitare divisis, &
 commune periculum concordia propulsandum, ratio dictavit
 omnibus, Protestantibus firmavit experientia. Imperator hæ-
 tenus conjunctis ipsorum armis inferior, remedium certius
 non reperit, quam eorundem divortium: & dum mutuisædi-
 us mactat adversarios, jam discessionibus & discordiis Luthe-
 norum potentior, vitia hostium in spem victoriæ vertit. Anti-
 qua hæc est familiæ Austriacæ solertia, jam pridem Carolo I. &
 Ferdinando I. feliciter observata. Testis hujus rei domesticus est
 Johannes Paulus Windek in deliberatione de Hæreticis extir-
 pandis p. 412. & sequentibus, cujus verba principibus Germa-
 niæ debent esse decretoria, cum ait; *Ad Sectariorum profligandos I.*
tholicorum principum Liga, & consociatio requiritur. II. *Dein ne-*
ligenda est occasio, quando videlicet Protestantes pecuniis exhausti sunt.
I. Utque facilius Catholici sectarios opprimere possint, variis obductis
sis & artibus alios ab aliis divellant. Idque à Carolo V. observatum,
 quo suo emolumento. IV. *Sed & externa auxilia Catholici sibi adjun-*
nt ad subjugandos sectarios. E contra ne hi exterorum suppetias sibi

II. Nullitas
 ex parte Du-
 ci Saxonie.
 I. quia hoc
 pacto Prote-
 stantium vi-
 res pessum-
 dantur.

adſciſcant, omnibus modis cavebunt. Omnia hæc in pacificatione Prægenti ad amuſſim fuerunt obſervata, cum per eam ſublata nomine tenus Liga Catholicorum, ſub titulo Imperii inſtituta fuit confociatio plerorumque principum cum Auſtriacis: Mox Proteſtantium fortiffimi, Palatini, Heſſi, Wirtembergici, &c. à reliquis ſunt divulſi: Et ne poſthac ſuppetias exterorum pro deſenſione cauſæ ſuæ adſciſcerent, pacis prætextu Francis & Sueciſ bellum denunciatum fuit; calamitoſiſſima Saxonis deluſione, qui dum privatum potius pacem quam publicam quaerit, dum unius ambit amicitiam neglecta omnium, dum Martem hæcenus adverſum fugiens, bellum ad exteros & amicos transferre nititur, ipſe incautus, quod de Maſſilia olim uſurpavit Hiſtoricus, belli metu in bellum incidit. Bellum eo iniquius, quod contra fratres, contra focios, contra ejuſdem fidei credulitatiſque conſortes ſuſceptum eſt ab eo, qui nihil in illos habebat juris vel imperii. Quæ enim quæſo authoritate Illuſtriſſimus Dux Saxonia, qui in hoc negotio nec Vicarius eſt Imperii, nec Proteſtantium procurator, nec exterorum arbiter, de controverſiis totius Imperii ſolus conatur decidere? qua poteſtate ſtatuta olim in publicis comitiis de pace profana & religioſa, in ſeceſſu privato mutare vel abrogare tentat? quo jure libertatem religionis Proteſtantibus omnibus in perpetuum conceſſam, ad ſpatium X L. annorum limitare poteſt? Cur de diſpoſitione Collegii Electoralis, de reformatione Cameræ Imperialis, de militia & contributionibus cunctorum Imperii Ordinum, contra pleroſque, in vitis omnibus, unus pacificetur? Quæ licentia civitates, provincias, principatus, nec ſibi nec aliis ſubditos, transferre, & privato Imperatoris arbitrio permittere audeat? Ejuſne muneris eſt Bohe- miam, Sileſiam, Moraviam, Auſtriacis; Luſatiam ſibi reddere hæreditariam? Palatinatum, Ducatumque Wirtembergensem ſuis Dominis, & Philippiburgum ſuo Epifcopo ſacrum ſubtrahere? & denique pro recuperanda Lotharingia, omnes Germaniæ vires in Francos armare? Quafi verò ei jus ullum eſſet in exteros, aut ipſe circumſcriptus iis leges poſſet præſcribere, in quos utpote pares & majores non habet imperium! Pigeat potius in-

cautum

*Florus Hiſt.
lib. IV. c. 3.*

tum, quod obtentu pacis omnes priores Austriacorum inju-
 & usurpationes approbavit; & quæ ipsi bello penè vicenali
 i persuadere non valuerant, ipse conniventia tractatus qua-
 nestris stabilivit. Scilicet ut ante gesta Imperatoris aliquem
 ierent juris titulum, pacificatione triumvirali confirmanda:
 iue acta præter fas & jus æquitatis speciem obtinerent, con-
 atione publica sancienda fuerant. Qua tamen in re nec Impe-
 ori quicquam authoritatis, nec Duci Saxoniz vel minimum
 essit utilitatis. Nec enim ex Transfatione Pragensi vel digni-
 ejus adaucta, vel ditio honestè amplificata, vel religio, cujus se
 ncipem fert & defensorem, ullibi propagata, necdum firmiter
 dita fuit. Sed è contrario ipse ex principe libero & toties ho-
 im triumphatore, familiæ Austriacæ commissarius factus est:
 iones ejus Bavaris ac Pannonibus propugnaculo cesserunt:
 ssessione Confessionis Augustanz, sub tam nobili defensore, ex-
 risque iisque optimis Imperii provinciis eliminata, & intra
 coniz Oceanique terminos ablegata fuit. Ipse omnium mi-
 ritimus, qui prius ex victoriis sudoribusque Suecorum vitam,
 dignitatis regionisque suæ incolumitatem trahebat, postquam
 vendo impar decoquere maluit, quam debere, hodie totam
 li calamitosissimi molem solus sustinet, non modo præcipua
 ionum parte exclusus, sed vitæ etiam salutisque anceps & in-
 tus. Nimirum ex æquissima talionis lege, quod ex culpa sua
 nnum sentit, sibi imputare debet; & qui infesta Suecorum
 ra provocaverat, iisdem penè confectus labascit. Cæterum
 iurationi nefariæ libertas Germaniz, & speciosi pacis tituli
 texuntur. Sed apud perfidos & perjuros translatitium est,
 textu cõfæderationis fovere bellum: nec quisquam alienum
 titium, aut dominationem propriam sibi concupivit, ut non
 em ista nomina usurparet. Quid enim, si Dux Saxoniz veram
 it, cur tot principes, tot ordines suarum partium, unius ejus-
 que causæ & rebellionis complices, ab Amnestia turpiter ex-
 i passus est? Si cum libertate Majestatem dignitatemq; sacri
 Imperii

*L. 54. D. de
 regulis juris.
 Nemo plus
 juris ad
 alium trans-
 ferre potest,
 quam ipsa
 habet.*

Imperii Romani pristino nitori ac gloriæ restituere voluit, cur tot regna Regesque, tam intra quam extra Imperium libertatem Germanicam viriliter propugnantes, tam propudiosè à jure communis pacificationis rejecit, & instar servorum vel mediastinorum, sine ulla vel minimi honoris mentione extra Germaniæ fines ablegavit? Si transactione sacrosancta efficere conatus est, ut reintegrata, & reflorescente passim justitia, omnes Imperii ordines & cives æquali jure & communi quiete fruerentur, cur negotia Cameræ Imperialis & Consistorii sacri, ex quibus tamen omnes turbæ & discordiæ hætenus emanaverant, indecisa, & mero Imperatoris arbitrio decidenda reliquit? Si pacem religionis, licentiam docendæ passim confessionis Augustanæ, & tot animarum salutem (ut refert) tractatione ista redimere voluit; cur tot hominum millibus in Bohemia, Silesia, Austria, Palatinatu, & Episcopatibus Halberstatiensi, ac Augustano, liberum fidei suæ exercitium interdici, & tot Ministros civesque credulitatis suæ causa exules, laribus patriis in perpetuum arceri permisit? Si pacem honestam, solemnem, publicam, sibi que ac confederatis omnibus utilem & gloriosam, sancire proposuit, cur ab ingratitudine omnium vitiorum deterrimo exorsus, arma perjura vertit in socios, à quibus semel atque iterum certæ pernicipi, & juratæ jampridem ab Austriacis ruinæ fuerat ereptus? Quo enim juris titulo excusari, qua æquitatis specie palliari potest, tam detestanda perfidia, tam horrenda proditio, qua eos ipsos, quos evocaveras in salutem, salvatis tradas ad internecionem: & à quibus vitam & incolumitatem indignus obtinueras, eosdem indignissime proscriptos, vita & honore spolies: amicosque tibi reddas infelissimos, non post beneficia tantum, sed propter beneficia ab eis accepta. Ingratus vulgo statuitur, qui beneficium accepisse se negat, vel acceptum dissimulat: ingratorior, qui non reddit: ingratus omnium, qui oblitus est. Illi enim si non solvunt, tamen debent, & sæpè cum tempore ad referendam gratiam convertuntur. Hic nunquam fieri gratus potest, qui quod accepit, debere, nedumolvere recusat. Sed hæc ut flagitii antiquioris, sic notæ & infamiæ sunt levioris. Nova hic prodit

Seneca de
beneficiis lib.
3. c. 1.

prodit ingratitudinis species, Superis horrenda, posteris stupenda, Adraktiz vindicanda; quæ non modo beneficium acceptum non agnoscit, non reddit, non recolit; sed pro benefactis damna, pro meritis injurias, pro gratia retribuit exitium. Serenissimus Rex Suecorum, Gotthorum, Vandalorum, Augustæ semper ac triumphatricis memoriæ, injurias privatas contra Austriacos bello peculiari prosequabatur. Elector Saxoniz, tunc Protestantium incensor & conductor, nunc desertor & proditor, quamvis communem hostem timeret, mutuam tamen armorum junctionem renuit, & cunctatione infelici Magdeburgum excindi passus est. Mox totis Austriacorum viribus expugnatus, cum jam venè Dresdæ inclusus hostibus se longè videret inferiorem, proprio periculo cautior quam alieno, Transactione publica Torzaviz inita 1. Septembris 1631. Serenissimi Regis Sueciæ supplicas evocavit, armorum consiliorumque societatem iniit, transiit & castella transmittendis copiis Albi imposita Suecis tradidit, stipendia, com meatus, ac frumentationes militi necessarias obtulit, *inviolabili promissione ac sacramento, nunquam se sine ipsorum consensu pacem ullam accepturum.* Ita junctis armis præsentis mortis discrimini ereptus, Suecorum virtute (suorum enim acies jam atiscebant) celeberrimam illam victoriam apud Lipsiam juniumque ac ditionum suarum conservationem obtinuit: statimque debitz gratitudinis ergò, supplicationes publicas pro salute Regis hostium triumphatoris, suorum defensoris, & libertatis Germanicæ vindicis instituit: diem septimum Septembris victoriæ sacrum quotannis in omnibus Euangelicorum templis solemniter recolendum sanxit: & *Συνηγας* Protestantium à uecis parta editis voluminibus per totum Imperium celebravit. Mox, ut molles sunt in cladibus ferocientium animi, cum Marthio Cadaretius, Hispaniz Regis legatus obtentu veteris amiciz inter domum Austriacam & Saxonicam, Saxones à Suecis dillere conaretur, emissariis ejus generosè & masculè respondit, *rebus Germania desperatis & patria in agone constituta, per pacta partialia mederi non posse: varia hæcenus exempla ostendisse, ejusmodi pacta in Imperio non pacem universalem, sed majora posius incommoda esse.*

1630.

1631.

Transactio
Torzaviz
1. Septemb.
1631.

Prælium
Lipsiacum
7. Septembr.
1635.

Mercur.
Gallibele-
ica To. XVIII.
lib. 4. p. 12.

C

FINIS

*Prælium
Lutxense
11. Novemb.
1632.
Conflictus
Nordlingen-
sis 27. Aug.
1634.*

*Transactio
Pragensis
publicata
30. Maii.
1635.*

*Ipsa pena
verba sunt
prescriptionu
sanguinaria,
& à Duce
Saxonia cen-
tra Suecos
publicata in
castris Schna-
kenburgici
19. Octob.
1635.*

*Actura: nec sibi, si talia iniret, coram Rege Suecia & Ordinibus Prote-
stantibus, ullam excusationis speciem relictum iri. Verum postquam
Rex Augustus prælio Lutzensi per ipsam etiam mortem de ho-
stibus triumphavit, & conflictu Nordlingenensi res Suecorum
paulatim inclinare visæ sunt, primus Dux Saxoniz, qui antea
omnes ad arma & rebellionem (ut nunc vocat) concitaverat, à
foederatis resiliere: statimque secretis emissionibus, mox publi-
cis Transactionibus, cum hoste communi pacisci; stabilitatem
suam ruina sociorum, & pacem domesticam bello exteris infe-
rendo redimere. Ita Transactione Pragensi circumscriptus, arma
hostica iis denuntiavit, à quibus bis tervæ præsentis exitio
ereptus, qui morte Regis sui vitam illius tutati fuerant, qui
cruore suo effuso, ne Saxonum effunderetur, caverunt. Periiit,
periiit funditus beneficium maximum, mortalium ingratis-
simis collatum, qui summi meriti loco posuere, de optimè me-
ritis pessimè mereri. Officia omnia in scelus versa sunt, bene-
facta cesserunt in crimina, & sanguini eorum non parcitur, pro
quibus sanguis fundendus erat. Gladio ac laqueis beneficia
compenfantur: defensorum suorum jugulum petere, & vi-
ætorum colla calcibus elidere, Commissariorum Austriacorum
honor est & dignitas. Accepti à Protestantibus exercitus in
ipso convertuntur, & Imperatoria Saxonis concio est: Pugna-
te contra fratres, contra socios, contra Lutheranos, ejusdem juris re-
ligionisque consortes. Tempia, aras, penates amicorum armis inces-
sante: & perfusi cruore cognato, patriam subreptis rapite, diripite, ve-
xillis. Qui vitam nobis salutemque contulerunt, aqua & igne interdi-
cantur. Qui libertatem nostram sanguine suo redemerunt, velut ju-
rati pacis hostes, & quietis publica perturbatores, longè lateque Im-
perio exterminentur. Quicumque amicum, patronum, vindicem suum,
pave vel unda juverit, læsa Majestatis reus peragitor. Qui protecto-
rem, servatorem suum occiderit, prodiderit, corruerit, impunitatem
& pecuniam, & coronam tantum non civicam accipito. Obmutescat
inter militaria signa libertas, & ille victor salvatorque gentium popu-
lus, remotus procul bellis, omni terrore compresso, intra nives & gla-
cies Oceani sui aquilas nostras horreat. Ista sunt Sospitatorum præ-
mia,*

*Dat veniam
corvis, vexat
confusa co-
lumbas.*

pendium fecit, & ut solus veniam & indulgentiam mereretur, plerosque Vnitorum à venia & Amnestia exclusit. Ita ut se periculis incertis eximeret, fœderatos certo exitio involvit: utque à se rebellionis & læsæ Majestatis pœnas averteret, socios & amicos hostium arbitrio puniendos tradidit: eo iniquiore proditione, quod arma hostica vertit in eos, quos ipse ad capiendâ contra hostes arma incitaverat, & tantum non coëgerat. Quo ergo jure crimen commune condonari potest authoribus, ut vindicetur in adiutoribus? qua æquitate rebellio publica laudatur in incentoribus, ut puniatur in auxiliatoribus? Cur Protestantes omnes, unius ejusdemque sceleris complices, non iisdem præmiis compensantur, vel iisdem suppliciis castigantur? Cur idem flagitium alios novis honoribus & dignitatibus evehit, alios dignitatibus avitis, & laribus patriis exuit? Cur perduellionis caput elogiis, & tantum non laureis præcingitur? membra verò, quæ illi, & æquitate causæ & robore armorum se se jactanti infelicer accesserunt, velut artus putridi à corpore præscinduntur? Caveant, caveant profecto amici tam defultorii, ne quas in sociis pœnas approbaverunt, mox suo ordine in seipsis experiantur: & quæ in fœderatis flagitia vindicari patiuntur, ipsi succedente tempore propriis incommodis luant. Neque enim, si aliquibus Protestantium æqualis venia indulta, & communis ex Transactione Pragensi libertas concessa videtur, statim ii almæ pacis compotes, plena tranquillitate & ditionum suarum quiete gaudent: Quin imò blandimenta ista pacis incitamenta belli sunt immajoris; solatium veniæ sacramentum est militiæ; nec quisquam pacificatione ista uti frui potest, nisi eo ipso momento arma cruenta, non dicam exteris tantum, sed sociis & patronis inferat. Ut bellum è patria extirpetur, sub novis legibus militia initur: ut pax in Imperio restituatur, bellum internecinum plerisque Imperii Ordinibus denunciatur: eo deteriore omnium Principum conditione, quod non ut Ordines & Status liberi, bellum pro Republica, pro libertate patriæ, pro aris & focis, suo ut pridem arbitrio, contra hostes cômunes administrant: sed potius, ut servi conductitii, & mancipia cædibus destinata, arma sociis, civibus, defen-

defensoribus inferre; contributionibus extra ordinem vires suas exhaurire, & dominationi alienæ proprium sanguinem commodare coguntur; suppliciis rigidissimis in eos constitutis, qui vel in complendis stipendiis, vel suppeditandis comœatibus, vel denique deglubendis & divexandis subditis, etiam infra facultates fuerint negligentiores. Ita nequaquam extinctum bellum, sublata exactiones, prohibita populationes: sed è contrario bellum ex particulari factum est generale; contributiones extra ordinem fiunt ordinariæ, & regionum civitatumque divexationes justitiæ militaris titulo peraguntur, & ut cuncta semper vertunt in deterius, rigidius in posterum peragentur. Res modò ante gestas interrogemus, & ut futura cognoscamus, percurramus præterita: & quæ certissima conjectatio est, colligamus gerenda gestis. Si enim Imperator in regionibus suis hæreditariis cives singulos x x. vel. x x x. militibus per diem alendis exhausit: si subditos suos ad sublevandam militiam ære quotidiano taxavit: si Panonibus suis, præter stipendia, tributa, vectigalia antiqua, nova continuè onera imponit: quid de Protestantibus futurum speramus, qui nuper hostes, modò amici, necessitate potius quam voluntate, pacem adversariis tutam, sibi turpem sunt amplexi. Profectò quamdiu difficilis erit res frumentaria, (erit autem semper, dum exercitus octuaginta legionum, qualem nunquam tota Europa contra Turcas instruxit, per Germaniam circumagetur) summi, infimi direptionibus immensis pessumdabuntur: milites ad arma, servos & equos ad impedimenta suis pecuniis emptos, suis sumptibus alere cogentur: & post infinita beneficia, ipsorum tandem militum rapinis, cædibus, incendiis exhaurientur. Liberæ Imperii civitates, quod jam semel atque iterum factum, exercitus famelicos, legiones egestate accitas, & dispersos manipulos sustentare, refarcire, & tantum non de novo armare compellentur. Utque à rigidissimis exactionibus sese defendant, transibit in vota paupertas: & ut possint effugere carnificem, optabunt subire sectorem. Frustraque jura & immunitates suas allegantes coram exercitu rerum potente, audient insolentissimum illud Pompeii ad Mamertinos simili excusatione

*Plutarchus
in Pompeio.*

ne ulos, *Non cessabit nobis gladio accinctū, leges & privilegia prædicare* ? Enimvero furente Marte silent jura : necessitas perpetuum potentia: enormioris est patrocinium : nec alio , quam indigentia communis titulo, populationes militares exercentur. Violentia quicquid cōegit, defendit, & prætextu necessitatis, ex illicitis & turpibus licita facit & honesta. Sed quod miserrimum est omnium, infelicissimi hominum de calamitatibus suis conqueri non audebunt, miseri vetabuntur agere miseros, oppressi cogentur mentiri beatos : & cum in secreto domus, conjugibus & liberis crediderint furtivum dolorem, procedent in publicum non suæ fortunæ vultu. Crimen erit tristitiam habitu præferre, pectus debitis laxasse suspiriis, & malle magis miserum videri, quam esse. Beneficium censebitur, quos ad paupertatem redegeris, iis vitam concessisse : cui fratrem vel conjugem occideris, filium reliquisse : quos semisse bonorum spoliaveris, iis tridentem indulxisse : nec flere licebit amissa pleraque, ne auferantur omnia. Vbi enim superiorum equitatem implorabunt miseri, ubi de injuriis illatis conquerentur ? quo jure bona ablata vindicabunt ? cum perturbata Republica, solus Imperator Principes reliquos metu perculsos, parere ambitioni suæ coget ; cum neglectis Cameræ judiciis, omnes leges in ejus solius libidine erunt ; cum denique sublata Ordinum æqualitate, crepta Germanorum libertate, afflictorum omnium vitæ necisque potestas penes ipsum unum erit. Exemplo sit florentissimum quondam Bohemiæ regnum, hodie publicum miseriarum orbis theatrum : cujus Ordines, cum inter alia jura libertatem eligendi Regis sibi vindicassent, & contra Ferdinandū II. verbis factisque propugnassent, ille mox armis superior, ex auctore factus judex, litem domesticam privato arbitrio decidit, omnesque sibi successionis hæreditariæ controversiam moventes, diris suppliciis enecavit. Moxque ut factum speciale communi jure sanciret, non virtutibus partum, sed successione debitum sibi regnum publicavit ; cum tamen omnium seculorum consuetudines, plerorumque Imperatorum & Pontificum rescripta, & singulorum Regum inaugurationes, libera hæctenus fuisse Bohemorum in eligendis Principibus suffragia, demonstrēt. Namque

*III. Regnum
Bohemia non
hæreditarium.*

ne

ne longius evagemur, cum Primisslaus, anno 1197. Moguntia à Philippo Imperatore Rex Bohemiz coronatus esset, Fridericus II. Imperator triplici diplomate annorum 1212. 1216. & 1231. Electionem istam confirmavit, & quo jure in posterum Reges Bohemiz Regnum obtinerent, rescripto sacro expressit his verbis, *Volentes ut quicumque à Bohemiz in Regem electus fuerit, ad nos & successores nostros accedat, regalia debito modo accepturus.* Et istud liberz electionis suffragium Carolus IV. Imp. in Comitibus Imperii A. 1356. Nonnbergz habitis tam aperte confirmavit, ut cum publicata Bulla aurea, capite ejus VII. Electoratus secularis omnes per successionem legitimam ad hæredes devolvi statuisset, disertè tamen regnum Bohemiz, ut Electoratum electivum exceperit, his verbis; *Salvum semper privilegium, juribus, & consuetudinibus regni nostri Bohemia, super electione Regis in casu vacationis per regnicolas, qui jus habent eligendi Regem Bohemia, facienda: juxta continentiam eorundem privilegiorum, & observatam consuetudinem diuturnam, qua decernimus nunc & perpetuis futuris temporibus, in omni suo tenore & forma, indubiam, tenere roboris firmitatem.* Neque publicæ huic Comitiorum constitutioni privata ejusdem Caroli IV. Declaratio, in favorem familiz Lutzelburgicæ facta, opponi debet; tum quia præter Ordinum Bohemicorum consensum facta est A. 1348. à Carolo nondum Cæsare, & non tam Reipublicæ, quam charitatibus domesticis prospiciente: tum quia Reges omnes posteriores cujuscunque familiz, per datas ex more Bohemis usitato literas reversales, solemniter professi sunt, Ordinum se decreto ac electione libera, ad dignitatem Regiam pervenisse. Ipse Ferdinandus I. quamvis Ladislai prædecessoris gener, & Ludovici decessoris sororius esset, & publica dispositione loci sui de hereditaria Annæ uxoris successionem 1510. niteretur; tamen in recognitione solemniorum Ordinibus facta 1526. libere protestatus est, quod Barones, Nobiles, Civitates, & rota communis regni Bohemia, ex sua libera & bona voluntate, juxta libertates illius regni, elegerint se in Regem Bohemia, non ex aliquo debito, &c. Et licet postea Hispanorum consiliis inductus A. 1545. Recognitionem illam erroris titulo subvertere tentaverit: tamen

Joan. Dubravici Episc. Olomucensis. Venceslaus Hagecius. Cosmas & Pulcava in Historiæ Bohemia.

1197.

1212.

1356.

1348.

1510.

1526.

1545.

1549.

1545. tamen mox experientia doctus, genti libertatis amantissimæ melius dari Reges quam nasci, indictis Pragæ Comitibus 1549. ab Ordinibus clementissime postulavit, & liberrime obtinuit, ut Maximilianus filius ejus primogenitus ab iis Rex designaretur.

1575. Vicissim & Maximilianus 1575. multis precibus & prensationibus à Statibus regni impetravit, ut Rodolphus filiorum maximus natu, certis tantum conditionibus in regno Bohemiæ sibi succederet. Et hic ipse per transactionem Pragensem 1608. in Comitibus sancitæ, Matthiæ I. fratri regnum cessit ea lege, ut Ordines Bohemiæ & provinciarum unitarum resignationem istam approbarent. Quin ipse etiam Ferdinandus II. 1617. in Conventu Pragensi à Matthia Imp. proceribus regni commendatus, eorumque consensu Bohemiæ Rex coronatus, datis ex more literis Reversalibus electionem gratuitam ampliter commendavit. Quid porro petere opus fuerat, si jure nativitatis debebatur regnum? quæ ratio est, prensationibus & ambitu ea demereri, quæ ipsa lex nascendi, & legitimæ successionis titulus sponte tribuit? Præterea cur ex ipsis Regum liberis nemo hætenus inventus est, qui more in hæreditariis provinciis frequentato, Bohemiæ se Principem vel vocaret ipse, vel vocari à patre sustineret? Cur vacantibus sæpius regni habenis, tot Principes externi, expeditis ad Bohemos legationibus, orando, prensando, pollicendo, largiendo, haberi sui suorumque in electione rationem petierunt? ut ex historiis constat fecisse Albertum Imp. pro filio Frederico 1307. Henricum VII. Imp. pro fratre Walramo, 1310. Sigismundum IV. Imp. pro Alberto genero 1437. ut quam plures alios omittam; qui, & successionem Bohemis Reges oriri credidissent, neutiquam in tanta sanguinis regalis abundantia, in totius orbis conspectu, præter fas & æquum alienæ hæreditati insidiaturi fuissent. Cur liberrimis Ordinum suffragiis sceptrum sæpius in alias familias fuit translatum, quamvis ex priori familia hæredes multi essent superstites? prout factum est, tum A. C. 1306. cum occiso Wenceslao III. & rejecto competitore Henrico Duce Carinthiæ occisi genero, electus fuit Rodolphus I. Alberti Imperatoris filius; tametsi Suihövii Hascenburgique Barones,

rones, rectis natalibus ex maribus descendentes, præsto essent: cum anno 1458. cum defuncto Ladislao Georgius Podiebradus, nulla affinitate domum Austriacam vel Lucelburgicam attingens, liberè ab Ordinibus electus, Bullisque Papalibus Pii II. & rescripto Sigismundi Imperatoris 1459. confirmatus fuit, 1459. quamvis Casimirus Rex Poloniae, & Guilelmus Princeps Saxoniae, quorum ille minorem, iste majorem Ladislai sororem sibi desponderat, immani sollicitatione regnum ambirent. Cur neglectis sæpenumero fratribus vel filiis natu majoribus Principes minorennes regnum pacatum obtinuerunt? ut cum A.C. 1324. 1324. ejectione Henrico Duce Carinthiae, qui Annam Wenceslai VI. filiam majorem sibi desponderat, Ioannes I. Henrici VII. Imp. filius, & familiae Lutzelburgensis author, Elizabethaeque filiae junioris maritus, ab Ordinibus Rex designatus & acceptatus fuit. Iure enim naturæ & legitimo succedendi more, mates scæminis, & ex eodem sexu majores natu præferuntur minorenibus. Sed desino Soli in Meridie lucem affundere, cum Serenissimus Imperator non rationibus, sed armis causam hanc decidi voluerit; & etiamnum in recuperatione potius, quam in acceptatione regni præcipuum possessionis suæ hæreditariæ titulum ponat: quippe qui in limine libelli de jure suo hæreditario in regno Bohemiarum publicati, disertè professus sit, *Quamvis jus suum hæditarium anceps foret, & Bohemi hactenus habuissent aliquod jus libera electionis: nunc tamen, postquam regnum universum armis sibi cessit, sequentem quam legitimum heredem ex debito, non ex arbitrio suscepit, frustra disputationem de jure electivo instaurari, cum ipsum regnum sui juris factum, jam jus hæditarium domus Austriaca agnovisset.* Ad Silesiam transeo, & unitas Bohemiarum Provincias: quæ cum olim juri libertatisq; defendendæ causa regno illi sese univerint, hodie per transactionem Pragensem non modo juribus & immunitatibus omnibus privantur, sed etiam dominationi extraneæ jure hæreditario subjiunguntur. Cujus articuli iniquitas ut ex origine ipsa revincatur, animadvertendum erit, quod Silesia provincia olim Poloniae subjecta, & inter principes sanguinis Sarmatici per varios Ducatus divisa, mox succedente tempore Sarmatarum

Jus hæditarium in regno Bohemia Ferdinandi II. editum Vienna 1620 in 4.

IV. Silesia infans juri- bus suis spectata.

Teach. Currens in Annal. Silesia, editis Vitebergæ 1571.

- tarum fastum & servitium dedignata, postquam fidelem Bohemorum multisin negotiis operam experta est, ex plena sua voluntate, & liberrimo arbitrio rejecto Polonorum supercilio Anno 1331. Ioannis I. Bohemiæ Regis patrocinium ambiit. Hac de causa bello gravissimo à Polonis impetita, cum viriliter à Bohemis propugnata fuisset, totam se in fidem & clientelam Regum Bohemiæ tradidit, ea lege & conditione, ut omnia ejus jura, libertates & privilegia facta tecta conservarentur. Cujus rei illustre inter alia documentum ad nostra usque tempora permansit, quod ejus provinciæ Ordines non prius in Regis electi verba jurant, quam de ratis habendis tuendisque omnibus eorum legibus, juribus & honoribus cautione data, literisque reversalibus signata, & juramento solemni confirmata, se obstrinxerit. Et juxta hanc conventionem Carolus IV. ejus nominis Imperator, diplomate singularidato Pragæ VII. Idus Octobr. 1355. tam illam regionem cum Moravia & Lusatia, sceptro Bohemiæ in perpetuum univit, incorporavit, & indivisibiliter conjunxit: quam incorporationem postea Principes Imperii in Comitibus Norimbergæ habitis 1356. approbarunt, & rescripto Gerlaci Archiepiscopi Moguntini, & S. R. Imperii Archicancellarii confirmarunt. Atque hoc jure Silesii sub Regibus Bohemiæ ita semper vixerunt, ut non modo in illorū electione libera ferrent suffragia, sed etiam in inauguratione amplissimas referrent litteras reversales, quas ipsos etiam Reges Austriacos liberrime concessisse constat, puta Ferdinandum I. 14. Jan. 1527. Maximilianum II. 1557. Rodolphum II. 1577. & 1609. & ipsum denique Ferdinandum II. 1617. Quinetiam ortis in Bohemia turbis, cum Silesii confœderatis Bohemis suppetias tulissent, iisque proelio Pragensi prostratis, arma ponere nollent, ipse Ferdinandus II. transactione solemni Vratislaviæ inita 21. Aprilis 1621. Ordinibus sancte promisit, si electioni Friderici Palatini renunciarent, omnia se ipsorum jura & privilegia inviolata conservaturum: quod promissum jurejurando & diplomate sacro firmatum, Dux Saxoniz tunc Imperatoris Commissarius & Ordinum mediator, cautione propria observandum in se recepit. Et quamvis Ordines

1355.

Exiat utrum
que in Consti-
tut. Goldasti
Tomo IV. p.

345.

1356.

1527.

1617.

1621.

nes

nes Silesiæ confestim à partibus Palatini recessissent, nihilominus Imperator Ann. 1628. 1629. contra pacta promissa, multa ipsorum jura & privilegia, connivente Saxone abrogavit. Et ipse Dux Saxoniz, cum edicto & injuriis Cæsaris excitatus, arma communia Protestantium per Imperium concitasset, Bohemizque regnum & metropolim hostiliter occupasset, principes & Status Silesiæ neutrarum hæcenus partium, non modo litteris chirographo suo signatis 5. Aprilis 1634. ad defectionem, & privilegiorum suorum manutentionem, ut vocabat, incitavit: sed etiam misso cum ingentibus copiis Arnhemio legato, urbes Ducesque hæcenus cunctantes, partim minis, partim vi aperta ad rebellionem coëgit, civitatesque & fortalitia præcipua præfidiis Saxonis firmavit. Nihilominus postquam versis cum fortuna animis, primus à fœdere communi resiliit, & sociorum ruina stabilitatem suam redimere voluit, infelicissimos Ordines Silesiæ, qui ejus autoritate, cautione, & causæ communis æquitate freti, arma primi non sumpserant, sed armis à Saxone sumptis sua conjunxerant, ignaros & immerentes turpiter ab Amnestia excludi passus est, plenissimæ Imperatoris libidini puniendos tradidit, eorumque Syndicos & legatos fidem publicam implorantes, responso dato 15. Junii, frigide ad Imperatorem emendicandæ veniæ gratia ablegavit. Ita præclarissimè de Silesia meritus, propriæ rebellionis crimen pœnis sociorum innocentium expiavit: & non contentus nobilissimam Germaniæ provinciam bellis & rapinis exhaustis, infontes incolas, & non nisi ejus instinctu sceleratos, arbitrio hostium objecit. Et operæ tam strenuè Imperio navatæ, proditiōis inquam tam egregie patratæ præmium accepit Lusatiam superiorem & inferiorem, quam olim contra jus & fas à radice Bohemia recisam, Cæsar ei pro sumptibus belli Bohemici hypothecario contractu oppignoraverat. Quæ tamen in collatione equalis utrimque apparet iniquitas tam Cæsaris in profundendo aliena, quam Saxonis in promerendo illicita. Namque ut origines hujus quoque provinciæ paucis repetamus, cum Lusatia Anno. 1075. ab Henrico IV. Imp. Vratislao primo Bohemorum Regi in præmium fortitudinis cum diade-

1191. mate collata, mox à Wenceslao Lusco 1191. Otthoni Brandenburgico cum Beatrice filia dotis loco fuisset assignata, post Walderami Marchionis mortem, qui absque liberis decessit 1312, rogatu incolarum à Joanne I. Rege Bohemix 1319. denuò fuit restituta, & diplomate Ludovici IV. Imp. 1328. coronæ inseparabiliter unita: quam unionem postea Carolus IV. publico edito in Comitibus Norimbergicis 1356. confirmato, ita stabilivit, ut provincia ista Bohemix in perpetuum appropriata, indivisibiliter conjuncta, & inseparabiliter ascripta, sine ipsorum Ordinum consensu nunquam ad externum transferri possit imperium. Itaque ne postmodum ullo titulo à regno Bohemix alienaretur, Wenceslaus VIII. 1411. & mox frater ejus Sigismundus Cæsar 1414. à quatuor provinciæ Ordinibus rogati, privilegiis singularibus in perpetuum caverunt. Cujus juris incolæ ipsi tam fere tenaces, ut cum Sigismundi nepos Ladislaus Rex eam Friderico II. Electori Brandenburgico certo pretio vendidisset, illo mortuo Georgius successor subditorum ære & precibus 1470. illam regno restituerit, ea lege inviolabili sancita, ne posthac unquam ullo prætextu à visceribus regni posset alienari. Et tamen nostro seculo Ferdinandus I. postquam cum juribus universam regni Bohemici harmoniam sustulit, enervato corpore debilla membra discepit; legumque & immunitatum totius regni oppressionem, dissipatione provinciarum eidem antiquitus unitarum redemit; & non tam de alieno liberalis, quam de non suo prodigus, portionem regni electivi vendidit, ut totum sibi suisque redderet hæreditarium. Verum quod totius negotii est præcipuum, conspiratione Pragensi Electorum secularium princeps, & primum post Cæsarem Imperii membrum, non citatus, non auditus, non convictus, juribus avitis spoliatur, ditionesque ejus & dignitates Bavaris & Hispanis, pro præstita Cæsari contra ipsummet opera distribuuntur; idque contra leges fundamentales Bullæ aureæ c. 3. ipsamque Capitulationem Cæsaream Art. 36. jubentem, ut præcipua Imperii membra, & bases ejus atque columna, Electores maximè seculares, inconcussa maneant. Nec alius proscriptioni inaudita titulus ascribitur, quam belli Bohemici

mici infelicitas: cui cum Friderici V. Elector, tanquam liti peculiari inter Status Bohemiarum, eorumque Regem Ferdinandum II. sese immisisset, ille interim favente sorte ad Imperium evehctus, ex privata causa scelus publicum finxit, & omnes Palatini actiones contra se ut Regem Bohemiarum susceptas, sub crimine læsæ Majestatis Imperatoris traduxit: cum tamen hic nec Imperium, nec in Imperatorem quicquam deliquisset, imo in comitiis Francofurtensibus Ferdinandum II. suo suffragio juvasset, quin etiam controversiam sceptri Bohemici posita omni hostilitate ordinario judicio expediri desiderasset. Nihilominus Ferdinandus non jure, sed viribus superior, victis ad montem Album Bohemis, non modò Palatinum inauditum, causa incognita proscripsit: sed etiam diviso inter Bavaros & Hispanos Palatinatu, Maximiliano Bavarie Duci dignitatem Electoralem, quam jam pridem ante turbas Bohemicas ex fœdere Monacensi ei promiserat, privato arbitrio, inconsultis Imperii Ordinibus concessit: illumque ipsum, cujus erat antiquo jure de causis Regi vel Imperatori Romanorum motis cognoscere, domestici odii causa, juribus & ditionibus omnibus privavit. Quasi vero ullo jure Imperator Austriacus posset feuda Imperii nobilissima, pro privata libidine transferre, & bene de domo Austriaca mentis ex mero arbitrio conferre; quem ex Art. 28. Bullæ aureæ, ne Comitatum quidem aut aliud beneficium ad Imperium devolutum, sine Ordinum Imperii consensu donare posse constat. Electoratus, Ducatus, Comitatus feuda sunt Imperii, non Imperatoris, nisi quatenus Imperii caput est, minister & Vicarius; ideo etiam non suo, sed Imperii nomine fidem & sacramentum à Principibus accipit. Et recessu Comitiorum Augustanorum 1555. statutum fuit, ut controversiæ inter Status Imperii de feudis Imperialibus ortæ, non nisi in Conventu Ordinum deciderentur. Et hac de causa Henricus II. Galliarum Rex 1551. per legatum ritè coram Ordinibus Imperii questus est, quod Carolus V. inaudita causa, & neglecto jure suo, Philippo filio Ducatum Mediolanensem & Vicariatum Senensem, sine ipsorum consensu & approbatione contulisset. Et Rodolphus II. Imp. 1598.



1620.

1619.
*Henricus
 Stero Alta-
 henfis in An-
 nalis An-
 no 300.
 Aventinus
 lib. vii.
 Annal.
 Boer. pag.
 587.*

1555.

1551.

1598.

ralio Hispano nomine Regis sui Vice-Comitatum Vefontinum expetenti, Heroice respondit, *Feuda Imperii sine Electorum & Ordinum consensu nemini auferri, aut in alium transferri posse*. Scilicet ex antiqua Jurium feudalium consuetudine, controversiæ de feudis in judicio Parium definiri debent; & si inter Dominum & Vassallum lis orta sit de feudo, per Pares Curia dirimenda est. lib. 1. de feud. tit. x. §. 1. *Contentionesque de beneficiis terminare debent ii, qui ab eodem Domino beneficia tenent*. ibid. lib. 1. tit. xxvi. Et quamvis Imperator injuriam tam apertam in Comitibus Ratisbonæ habitis ab Ordinibus Imperii approbari petiisset, Electores tamen Saxoniz & Brandenburgicus, necnon complures alii Imperii Principes, per legatos suos protestati exceperunt, Translationem istam dignitatis Electoralis in Ducem Bavaria contrariam esse Constitutionibus Bulæ aureæ, legibus Imperii fundamentalibus, declarationi Sigismundi 17. Imp. consuetudinibus juris feudalis, & denique pactis conventis inter domum Palatinam & Bavaricam, jam olim providentia majorum sancitis, & præscriptione annorum pene trecentorum communis. Palatinum non citatum, inauditum, indicta causa condemnatum esse, cum tamen ipse turbarum Bohemicarum author non fuerit, & jam multi ejusdem criminis complices ab Imperatore veniam meruerint; ideoque se præcipitata ejusmodi proscriptioni & spoliatiioni consentire non posse. Et iccirco etiam, cum Imperator rejectis omnibus hisce Ordinum exceptionibus, oppositionibus, & protestationibus, feudum Electoratus Bavariz Duci contulisset, legati Saxones, & Brandenburgici investituræ ceremoniis interesse recusarunt, ne præsentia sua injustitiam tam enormem approbasse viderentur; Et paulò post iidem Electores, datis Annæbergæ ad Imp. literis, de violato jure Collegii Electoralis questi, omnia à legatis suis dicta facta autographo publico confirmarunt. Et quamvis anno sequenti Dux Saxoniz, artibus Ludovici Landgravii Darmstatisensis inductus, in Conventu Schleusingensi Ducem Bavariz in Collegium Septemvirale ad tempus recepisset, integrato illo Collegio pacem universalem in Imperio stabilitum iri persuasus: tamen cooptatione illa certis conditionibus facta protestatus est, nihil se derogatum velle juribus familiæ Palatinæ, neque

1623.

1624.

neque protestationibus à Legatis suis Ratisbonæ exhibitis: id quod postea in conventu Mulhusino, & Comitibus Ratisbonensibus, nec non in rescriptis & resolutionibus ad diversos Enropæ Principes datis, & in ipso etiam fœdere Torgaviensi 1631, 1630. cum Rege Sueciæ, & Electore Brandenburgico inito, constanter semper agnovit & asseruit; ubique & coram omnibus protestatus, nullam pacem in Imperio sine restitutione domus Palatinæ unquam esse sperandam. Qua igitur conscientia hodie translationem istam justam, sanctam, & Imperio saluberrimam publicare audet? per quam non modo sublata suffragiorum æqualitate inter Septemviros, Protestantes semper causa casuros certum est: sed etiam, quam diu gutta sanguinis Palatini supererit, cui dignitas ista si non regia, certe regiæ proxima, contra fas & æquum tam violenter aufertur, Germaniam perpetuo novis turbis agitatum iri constat. Posito enim sed non concessio, tam atrocibus criminibus proscriptionem & patrimonii sui spoliationem meruisse Palatinum, quo jure liberi, frater, agnati omnes æque infantes, innocentes, & licet causa diversi, eadem nihilominus pœna involvuntur? cum tamen & filii ante delictum parentis jure successionis dignitatem Electoralem obtinerent; & ex jure communi feudorum constet, *culpam unius ex heredibus feudi ceteris non prejudicare. lib. 11. de feud. s. 78. & factum fratris fratri in feudo paterno non nocere. tit. 93.* Imo si vassallus culpam adeo enormem commiserit, ut & ipse & descendentes ejus feudo privari debeant, agnatos tamen in quarto gradu ad beneficii possessionem esse revocandos, lib. 11. tit. xxvi. Etideo prudentissime Dux Neoburgicus, propinquiore 1623. Palatinos agnatione contingens quam Bavarus, obtentis ab Imperatore literis Reversalibus cavet, ne translatio ista dignitatis Electoralis in Bavarum facta, juribus suis suorumque proximior gradu fundatis, unquam & ullatenus possit officere. Nec minus injuriæ tam truculentæ argumentum patet, quod translatum toto Electoratu in Bavarum, ditiones tamen inter Principes diversos dividuntur, & Palatinatus superior Bavaro, inferior Hispano pro sumptibus belli Germanici assignatur: cum tamen ex constitutione Auræ Bullæ c. xxv. *cui titulus*, de integritate

tate principatuum Electorum, insignes & magnifici principatus, videlicet regnum Bohemia, Comitatus Palatinus Rheni, Ducatus Saxonia & Marchionatus Brandenburgensis, eorumque terra, districtus, & alia quævis ad ipsa spectantia, scindi, dividi, seu quavis conditione dimembrari non possunt, vel debeant. Hisce difficultatibus causam Translationis implicatam cernentes Bavari, quæ sito ambitioni suæ à multis retrò seculis prætextu, usurpationis novæ titulos fingunt antiquissimos, dignitatemque Electoralem asserunt, non tam sibi à Ferdinando II. ex gratia collatam, quam armis suis ex debito recuperatam: quippe quæ A. C. 1354. iniquissimè à Carolo IV. familiæ Bavaricæ adempta, & affinitatis gratia in prosapiam Rhenensem fuerit translata. Ideoque malè Palatinos, optimè Bavaros de alienatione juris Electoralis conqueri, & istos legitimè actionem de refundendis fructibus à tempore Caroli IV. perceptis instituere posse. Ut igitur imposturæ hujus impudentia omnibus patefeat, totius rei negotium ab ipsis incunabulis exponendum erit. Nimirum à prima Electorum institutione jus eligendi Imperatoris penes Comites Palatinos, eosdem Duces Bavarix, semper fuisse, ex priscis illorum sæculorum historiis constat. Anno demum 1215. per connubium Otthonis Ducis Bavarix, cum Agnete filia Henrici ultimi Comitis Palatini, Palatinatus Rheni cum Ducatu Bavarix coaluit, & Ottho ipse primus ex familia Bojorum, jure per uxorem devoluto Elector fuit. Ita unita cum ditione dignitas in domo Bavarica permansit usq; ad A. C. 1295. quo, defuncto Ludovico III. filii ejus hoc modo hæreditatem dividerunt, ut Rodolphus primogenitus Palatinatum cum jure suffragii Electoralis, Ludovicus vero junior Bavariam superiorem, & defuncto fratre jus electionis tantum ad vitam obtineret, prout patet ex transactione inter ipsos inita Monachii 1313. Verum Ludovicus junior fortunam bellicam secutus, dum arma insert Austriacis, 1314. à potiore Electorum parte Imperator renunciatus est, fratre ipsius Rodolpho, ut & Electoribus Saxone & Colonienſi suffragia sua in Fridericum III. Austriacum conferentibus. Vnde orto in Germania bello civili Ludovicus Bayarus armis superior, Rodolphum fratrem hostibus faventem

ditio-

*Geuvoldus
de S. R. Imp-
peru Septem-
viratu c. x.*

*Fabius
Hercymannus
Cancellarius
Anhaltina
F. II. p. 83.*

1354.

1215.

1295.

1313.

*Extrat apud
Geuvoldum
de S. R. Imp-
Septemvira-
tu. p. 224.*

1314.

ditionibus omnibus exiit, & proscriptum cum liberis in Angliam secedere coëgit, ubi paulo post mærore animi extinctus est. Mox tamen capto & deposito Friderico Austriaco, Ludovicus IV. nepotum ex fratre commiseratione motus, Transactio-
 ne Patavina 1329. Rudolpho II. & Ruperto, Rodolphi I. fra-
 tris filiis ditiones & dignitates paternas restituit, ea conditione, *Extat im-*
 ut prærogativa juris Electorii cedentes, suffragium Septemvirale *perfecta*
 cum filiis suis Ludovico & Stephano partirentur, atque ita *apud Jo-*
 utriq; alternatim Regem Romanorum eligerent: quam trans- *uoldum*
 actionem licet vi extortam, tamen in Comitibus Francosurten- *p. 218.*
 sibus 1339. publicari curavit. Verum excommunicato & mortuo
 Ludovico IV. Imp. cum Carolus IV. Rex Bohemiæ, Rodolphi I.
 gener, fratrumque Palatinorum sororius 1342. Imperii habe-
 nas suscepisset, Rodolphus II. & Rupertus Palatini apud Cæsa-
 rem affinem de vi & injuria questi, & solidum electionis jus sibi
 tanquam primogenitis deberi asserentes, Transactionem Pata-
 vinam de alternatione suffragiorum inter stirpem Palatinam &
 Bavaricam, utpote iniquissimam & vi extortam abrogari petie-
 runt. Itaque causæ justissimæ favens Carolus IV. misso in delibera-
 tionē negotio, & prævio omnium Electorum & Ordinum con-
 sensu 1354. Ruperto I. Palatino (frater enim Rodolphus senior
 paulo ante 1353. fati concesserat) jus paternū suffragii Electo-
 ralis in solidum restituit, & exclusis Ludovico & Stephano Ba-
 variæ Ducibus mandatum de jure & successione Comitum Pala-
 tinorū in voce & electione Imperatoris Romani, ad omnes Ele-
 ctōres transmissum publicavit. Quin & post biennium 1356. in
 Comitibus Norimbergæ habitis Diploma publicum hac de re à
 singulis Electoribus approbari & subsignari fecit, eo faciliore
 negotio, quod in iisdem Comitibus Ludovico Romano Ludovici
 V. Imp. filio, Marchionatum Electoratūq; Brandenburgensem
 compensationis loco pro jure Electoratus Palatini contulerat.
 Unde patet falsissimam esse calumniam asserētium, Comites Pa-
 latinos conniventē Caroli IV. Bavaris jus antiquum vocis & di-
 gnitatis Electoralis abstulisse; cum è contrario ex actis Authenti-
 cis, & omnibus seculorum illorum historiis constet, Palatinos jus

alienum sibi indebitum nequaquam invasisse, sed jus paternum sibi à Ludovico IV. Bavaro per vim & fraudem extortum recuperasse, & consensu omnium Electorum & Principum Imperii familiæ Rhenensi in perpetuum univisse: Adeoque Bavaros ante nuperam invasionem nihil quicquam juris in Electoratu habuisse, nec præter detentionem violentam unquam habituros. Conferatur, enim quæso utraque translatio, & Caroli IV. in Rupertum Palatinum, & Ferdinandi II. in Maximilianum Bavarum: & sole meridiano clarius patebit illius æquitas, hujus iniquitas. Illic Carolus IV. Ruperto Palatino dignitatem Electoralem non tam ex gratia contulit, quam vi à patruo ablatam ex debito restituit. Isthic Ferdinandus II. dignitatem Friderico V. Palatino præter meritum ereptam Bavaro concessit, qui nihil juris in illam potest prætere. Illic Carolus IV. prævio omnium Electorum consensu, in publicis Imperii Comitibus Palatino suffragium Electionis reddidit; assentiente etiam Ludovico Romano, Marchione Brandenburgensi, cujus potissimum intererat tantum honorem in familia sua perennare. Isthic Ferdinandus II. ex fœdere Monacensi pro suppetiis contra Bohemos ferendis, Bavaro Palatinatum vendidit, antequam Palatinus pedem in Bohemiam intulisset, & contra publicas omnium Protestantium exceptiones, oppositiones & appellationes Maximilianum vi intrusit. Illic denique Ludovicus cognomento Romanus, Ludovici IV. Imp. filius, accepto ex resignatione fratris Ludovici I. Electoratu Brandenburgensi 1352. solemni renuntiatione patrueli suo jure Electoratus Palatini cessit. Hic vero Elector Palatinus nec suo nec fratris aut agnatorum nomine, juri tam legitimo unquam renunciavit, quin potius extrema quæque & decennale exilium subire maluit, quam dignitate adeo illulsi tam injustè se destitui pateretur. Quod enim ex Transactione Pragensi Principibus Palatinis offertur, si dimisso Electoratus jure supplices veniam à Cæsare petiverint, prædia illis & redditus profapiæ competentes assignatum iri, idem est quod lepidum illud Triumvirorum commentum, quo concedebatur ei, qui ultro bonis omnibus cessisset, ut deinde eorum tricentem repetere posset.

posset. Id vero erat, ait Historicus, neque accipere quicquam, & insuper oleam & operam perdere. Qui enim vi aperta esse bonorum spoliati erant, quomodo quaso trientem reciperent, praesertim cum ea tam vili pretio hostibus venderentur. Adde quod injuria Palatino facta reliquis Proceribus paria minatur, & exclusio primi Principum Statuum inferiorum ruinam secum trahit. Si enim victores Austriaci tam propudiose caput Electorum tractare non erubescunt, quid de cæteris membris Imperii futurum speramus, quæ nec potentia, nec dignatione, nec amicitia externorum illi sunt conferenda. Profecto quicumque Protestantium illorum partibus accesserint, ad exemplum Ducis Saxonix, viribus, propugnaculis, & militia propria exauctorati, & re ipsa inermes & impotentes, inane Commissariorum Austriacorum nomen circumferent. Quicumque vero iugo hæcenus Germanis insueti collum protinus subdere recusarint, nec clausis oculis articulos quosvis acceptaverint, illico ad exemplum Ducum Wirtembergensium, ut Imperii hostes & læsæ Majestatis Imperatorix rei proscribentur, & pati inaniis omnibus exuentur. Urbes Imperiales olim liberæ ad exemplum Dona wertzæ, Ratisbonæ, Augustæ, sociis pro sumptibus belli tradentur, & nomine tenus pignori locatæ æterno servitio alienis Dominiis subjicientur. Verum de Germania satis hæcenus, & forte plus æquo dictum sit: atque utinam non plura & atrociora essent facta, quam dicta; nec pejora metuenda incommoda, quam narranda. Reliquum est, ut injurias Principibus & Regibus extraneis conspiratione Pragensi factas, paucis perstringamus. Ac principio sane peregrinum non erat, Triumviros nostros Principes Ordinesque Germanix, quorum vires & ditiones jam spe præpropera devoraverant, tam propudiose exclusos à jure Tractationis communis rejecisse: illud verò perabsurdum omnibus videtur, eosdem neglecto & prostrato jure Majestatis, tot Reges & Regna à S. R. Imperio independentia, quorum præcipue intererat Europæ tranquillitatem, Germaniæ libertatem suam restitui, à consilio pacificationis publicæ removisse, & quasi Dictatoria potestate omnibus Triumviratui suo refragantibus bellum exitiale denuntiassse. Nam

Dei. Casim.
Histor. lib.
XLVII.
pag. 336.

ut nihil dicam de Serenissimis, Rege Britanniarum, cujus ex favore nepotes post tot ventosas promissorum ambages tam crudeliter laribus & juribus avitis arcantur; de Rege Daniæ, cujus gnato causa & indicta nec cognita, Archiepiscopus Bremensis cum Episcopatibus suffraganeis tam decretorie eripitur: de Ordinibus unitis Belgii fœderati, quibus restituendæ libertatis Germanicæ titulo arma cum Hispanis conjurata inferuntur: illud ab omni ratione est alienum, nec ullam excusationis speciem meretur, quod Reges regnaque Galliæ & Sueciæ, communibus armis implicata, & bello sociali præcipuis Protestantium unita, tam turpiter contra jus gentium proscribuntur, & ad instar famulorum & mancipiorum dictatis Ibericis obedire jubentur: secus si faxint, exercitu lxx. legionum non dicam profligandi, sed (si Diis placet) penitus absorbendi. Quasi vero pacem communem, non ut virtutis suæ præmium, sed duntaxat ut potentie alienæ donum obtinere possint; aut securitatem publicam à benevolentia potius hostium emendicare, quam armis victoribus etiam à supplicibus extorquere debeant: aut denique ignorent subdolas esse inimicorum amicitias, & pacem sponte oblatam fallaciorem quiete viribus parata. Quid enim quæso aut iniquius aut insulsius, quam regna exotica, in quæ nec Imperator, nec Imperium quicquam habent imperii, ex arbitrio Austriacorum & Saxonum pacem accipere turpem, inhonestam, indecoram, & sibi sociisque tam calamitosam quam ignominiosam: præsertim cum Serenissimus Rex Suecorum privato nomine, ob singulares injurias Austriacis bellum indixerit, ac etiam renitente prius Saxone intulerit. Nimirum cum A. C. 1626. maximus Gustavus contra Polonos in Borussia cum exercitu movisset, Austriaci non lacessiti Ducem Holsatiæ cum copiis & 1629. aquis Imperialibus contra Suecos immiserunt, & A. C. 1629. obsessio contra fidem Stralsundo commercia maris Baltici intercluserunt, & denique Duces Megalopolitanos, inaudita causa proscriptos ditionibus patriis ejecerunt. Injuriis tam atrocibus jure excitatus Augustus, quam tractatione amicabili obtinere non potuit, armis suam suorumque securitatem recuperare ten-

tavit:

tavit: & translato in Pomeraniam exercitu, suo nomine, suis auspiciis Imperatori bellum intulit, & ultionis tam necessariæ quam legitimæ causas Electorum Collegio intimavit. Sed & victricibus armis pleraque pervagatus, privato nomine & jure Majestatis proprio, cum Imperatore, Electoribus, & hostium Ducibus aliquoties transegit: & mox adjunctis sibi Protestantibus, post victoriam Lipsiensem, non modo cum Casare, & Ligisticis, sed etiam cum præcipuis Imperii Statibus & Circulis publicas concessiones vel tentavit, vel iniit; non tantum connivente Saxone, sed etiam auctoritatem summam & pacificandi potestatem Regi prudentissimo concedente. Qua ergo æquitate potest hodie Suecos, qui bello non mitigato sed inflammato, easdem & prioribus adhuc atrociores injurias persequuntur, à jure tractationis communis excludere? qua conscientia pacificationem pacis publicæ iis invidet, qui privatis causis & sumptibus bellum susceperunt? cur de remediis malorum agere vetat illos, quorum potissimum mala illa tolli interest. Individua bona pax & libertas omnium sunt, quorum bellum fuerat & injuriæ: nec tranquillitatem amissam melius reparant: quam qui quietem jactura vitæ suæ quærunt. Quod si exclusio ista Suecorum ipsa fronte patet injusta, longe injustior sit ex persona Saxonis. Scilicet cum Serenissimus Gustavus injurias privatas bello peculiari contra Imperatorem vindicaret, Dux Saxonie alia de causa concitatus ad rebellionem Protestantibus, ipse cum suis jam obfessus & perditus, ex fœdere Torgaviensi omnes Evangelicorum fortunas virtuti ac protectioni Suecorum credidit, armorum consiliorumque societatem iniit: atque ita præsentis discrimini creptus, ex causâ Suecorum peculiari communem omnium Protestantium litem fecit, bellumque privatum in defensionem publicam convertit. Quod si nunc perjuræ, & contra fidem sacramento & chirographo sancitam, a fœderatis recedit, & conjuratione Triumvirali amicitiam hostium redimere satagit, non statim iccirco Sueci improbissimum exemplum secuti, juri suo renuntiabunt, & positis turpiter armis injurias privatas persequi desistent: quod ut ante infausam illius societatem fortiter cæperunt,

perunt, ita etiam post infame ejusdem divortium feliciter exequuntur. Neque enim cum domesticis virtutibus abundant, in perjuris & fraudibus, sed in fortitudine & rebus bene gestis aliorum Principum imitatores esse volunt; cum appimēsciant, à partibus hostium huc usque perfidiam, & vitiam, ignaviam, & calamitatem: à suis fidem, tutelam, virtutem, adeoque & fortunam hæcenus stetit: & quod magnos animos decet, in bona causa malint fortiter occumbere, quam turpiter recedere. Tantum ergo abest, ut Dux Saxonie quasi Protestantium Dictator, & Austriacorum commissarius, cum inani sua plenipotētia Succis invitis pacem possit imperare, vel eorum nomine cum Imperatore transigere: ut è contrario, etiam si Imperator petitis & injuriis eorum omnibus satisfecisset, illi tamen novam & gravio-rem Saxoni litem intentare, & actionem perfidie, perjurii, rupti fœderis, obliiti beneficii, violati juris gentium privatim debeant instituere. De propriis ergo injuriis suo nomine prius cum Suecis transigat, & postea ex Imperatoris commissione lites Imperii decidet. Purget seipsum perfidus, & ante crimina sua excuset, quam aliorum defendat. Hisce non levioris momenti est, quod Sueci, postquam semel causam Protestantium, & libertatem Germanie defendendam susceperunt, cum multis Imperii Principibus & Ordinibus, pro bono publico tuendo fœdera reciproca sanxerunt, puta cum Stralsundinis 15. Julii. 1628. cum Duce Pomeranie 10. Julii 1630. cum Electore Brandenburgico 1. Septemb. 1631. cum quatuor Circulis superioribus in Comitibus Fræcfortensibus 1633. & cum Statibus Saxonie inferioris in Conventu Halberstatensi: & sic vocatis ad libertatem Europæis, fortissimos exercitus ex pluribus nationibus collegerunt, eorumque virtute cæsis hostibus, magnis sumptibus, majoribus sudoribus complures Germanie urbes & munitiones ceperunt, & inestimabili Regis sui jactura propugnaverunt. Ideoque loca fortiter occupata segnitè deferere, nisi rebus omnibus in integrum restituis: vel militiam tam celebrem quam nobilem frivole dimittere, nisi solutis stipendiis, salvo honore & æstimatione sua nō possunt. Apprime enim ridiculum foret, eos tot validissima propugnacula

*III. Quia
Sueci fœdera
& militiam
turpiter desere-
re non pos-
sunt. Vide
Alia &
Tractatus
inter Suecos
& Saxones
conceptos
Anno 1635.
n. XVII. XIX.
& XXVIII.*

gnacula ingentibus impensis & periculis acquisivisse, ut mox pronutu hostium ea gratis redderent: & tot lectissimos & nobilissimos viros militiæ sacramento obstrinxisse, ut eos truncatis corporibus, exhaustis pecuniis, & hiantibus adhuc vulneribus miseris, inermes, igneque & aqua interdictos dimitterent. Saxonis hoc est & sociorum, militum corpora & animas teruncio a stimare, exercitus famelicos oppressione subditorum sublevare, temerè parta turpiter deferere, pro sortis inconstantia odia & amicitias alternare, & denique proscriptionem Triumviralem pro pace generali interpretari. Sueci laureis æquè ac commerciis nobiles, fortitudinem pariter & constantiam venerantur: & ut in toga prudentes, ita in sago cordati, ubi de honoris jactura agitur, bellum atrox quam sterilem pacem malunt, fœderatosque potius morte honesta redimere, quam turpi fuga & clandestina secessione deferre præferunt: probè edocti, quicquid ubique sociorum interest, sua etiam interesse; & communis detrimenti partem ad se quoque singulos pertinere. Vnde nulla unquam ratione vel vi induci poterunt; ut neglecto turpiter bello, delusis fœderatis, proflutis amicis, quibuscunq; conditionibus pacem admittant potius, quam tractent, & amicitiam hostium amplectentur magis quàm mercantur; præsertim cum penitus compertum habeant, quod sensum illius discriminis, cui se Suecicis ab armis expositam, ac penè jam in extremis constitutà vidit domus Austriaca, nulla dies, nulla unquam adimet oblivio. Mores illius gentis nò satis novit, qui tale quicquam posse illi excidere putat. Longa Iberis offensionum, brevis beneficiorum est recordatio: nec ut olim Cæsar omnium se memorem prædicabat, præterquam injuriarum; ita nunc quoque Cæsaris ingenium est, qui quas sibi & familiæ suæ illatas frigit injurias, non modo nunquam condonat vel obliviscitur, sed in gnatis etiam & nepotibus innocentibus, expectata vel per seculum occasione ulciscitur. Nullo igitur jure vel ratione à Suecis exigipotest, ut cautione & vadimonio Saxonis contenti, qui jà sæpius illos tam perfide decepit, exercitus victores ex Imperio abducant, ut sine securitate pacis universalis bellum publicum deferant, & vires fortunæque suas, ac sociorum cunctas ancipiti hostium

imma-

immanissimorum benevolentia credant. Quasi vero bello tam fortiter tam feliciter gesto, pro trophæis nihil præter odia Austriacorum immortalia, pro triumphis simultates duntaxat minasque Hispanorum æternas debeant referre. Sed desino splendidissima gesta gentis victricis scriptis imbellibus deterere, quæ ut olim destructo Romanorum Imperio Occidentem libertati suæ reddidit, ita hodie restitutioni sospitatis Germanicæ intentæ, causam melius armis quam calamis defendit, & non tam actorum suorum excusationes, quam encomia & acclamationes desiderat. Ad Francos venio, & populos ipsa nominis notatione libertatem spirantes: qui cum optimo jure, piissimo proposito, bello communi sese immiscuissent, ex decreto Triumvirorum Pragensium præter jus & contra pietatem, non modò à pacificatione publica rejiciuntur, sed etiam ut Imperii hostes, Hæreticorum fautores, Turcarum incentores & Reipublicæ Christianæ perturbatores proscribuntur, & specie belli Lotharingici junctis Germanorum viribus excindi jubentur. Nimirum cum A.C. 1631. Serenissimus Rex Suecorum fusis ad Lipsiam Austriacorum & Ligisticorum copiis impune Imperium pervagatus, trepidante Imperatore, fugiente Bavaro, & ne mussitante quidem Ibero, meliores Germaniæ provincias urbesque occupasset, atque ea ratione res Catholicorum in extremas angustias, & præsentissimum exitium adduxisset: Rex Christianissimus, semper hætenus Hæreticorum domitor, Catholicorum vindex, veritus nè quid ex jure belli civilis decederet causæ religionis, non modo missis ad Regem victorem legatis, Catholicis omnibus sub ejus potestate redactis, plenam fidei libertatem & exercitium obtinuit: sed etiam oblato reliquis neutralitatis remedio, Archiepiscopatum Trevirensē, Episcopatus Spirensem & Basileensem, plurimosque alios Germaniæ Duces, Comites & civitates in tutelam & protectionem regiam suscepit; & moderatione tam pia quam solerti infallibilem Catholicorum in Imperio ruinam, imminensque à Protestantibus exitium inhibuit. Ita conservata & stabilita fide Majorum, Principes injuste ab Austriacis ejectos, civitates libertate spoliatas, & vicinos jam jugo

jugo Hispanico vel oppressos vel opprimendos cernens, junctis cum Sueco armis socialibus, Principes ditionibus, ditiones Principibus, civitates immunitatibus, Imperium juribus suis & dignitati restituit, vicinosq; & amicos omnes ex Iberorum tyrannide asseruit. Et tamen pro omnibus hisce in Religionē & Rempublicam Christianam meritis, ab Austriacis tantum non proscriptus, ut totius belli Germanici incentor, fomes & propagator accusatur, & quasi cum Lutheranis ad extirpationem veritatis Catholicae conjurasset, falsissimis calumniis proscinditur. Ipse etiā Imperator, cui zelus Ludovici XIII. ex tot bellis contra Hæreticos gestis nequit esse incognitus, tamen in programme de commodis & utilitatibus pacis Pragensis, edito Badæ 8. Junii 1635. disertè proficitur, si *Tractatione Pragēsi bono Status & Religionis alicui forsitan non sat in consultum videatur, ejus rei causam non sibi & sociis, sed Regi Christianissimo esse attribuendā: qui licet vulgò filius Ecclesie primogenitus audire velit, non tamen modo non erubuerit, initio belli istius amicitiam Hæreticorum ambire, externum Suecorum Regem ad supplicias evocare, cum eo solempne fœdus sancire, vires utrorumque conjunctas alere ac firmare, & proprio motu sine ulla causa contra fidem datam provincias Imperii invadere: sed etiam nū quotidie conetur, Principes Statusq; ab Imperatore avulsos, contra ipsum incitare: imò quod, postquam per victoriam Nordlingensem plurimi partibus suis accesserunt, ipse armata manu urbes in potestatem suam redactas occupaverit, ex in præsidia Catholicorum ejecerit, Hæreticorum restituerit, & quantum in se sit, progressum pacis & Religionis Catholicae in Imperio prohibere tentet: adeo etiam, ut Duci Saxonia promittere ausus fuerit, si à partibus suis stare vellet, se ipsi non modo meliores pacis conditiones procuraturum, sed etiam manibus & pedibus allaboraturum, ut hæresis Lutheranorum cum reliquis sectis in regno Bohemia, eique unitis provinciis publice stabiliretur. Deus tuam fidem! Rex Christianissimus, qui reliquis fugientibus solus intercessione sua apud Suecos fidem Catholicam in plerisque Germaniæ provinciis conservavit, ejus progressum & incrementum pro virili inhibuerit! qui plures Episcopos flammis hostilibus eripuit, ipso bello contra Catholicos flammis subdidit! qui Hæreticos Gallia omnibus viribus exutos prostravit, ei scilicet cu-*

- ræ fuerit, Sectarios Bohemix ad pristinam potentiam elevare!
 Frivola hæc sunt adversariorum commenta, qui cum invasiones
 suas nullo juris civilis titulo palliare possunt, ad ficticiam op-
 pressæ religionis larvam confugiunt; & quasi fidei, non tyrannidis
 destruendæ causâ bellum in Germania gereretur, omnes liberta-
 tem Imperii propugnantes, ut hæreticos vel saltem Hæretico-
 rum fautores traducunt. Vera & præcipua querelæ & indignatio-
 nis hujus causa est, quod Rex Christianissimus rebus aliunde
 desperatis, Archiepiscopum Trevirensē ab Iberis oppressum,
 in protectionem & clientelam suam recepit: quod ejectis ex urbe
 1632. & ditione Trevirorum Hispanis, Principem liberum juribus &
 dignitati suæ restituit: quod inde junctis cum Sueco armis plures
 alios Imperii Status, puta Palatinos, Tribocos, Westrasios direp-
 tionibus Austriacorum & Lotharingiorum eripuit: quod exem-
 plo nec novo nec inaudito, sed tralatitio, & à majoribus accepto,
 ambitioni hostium metas posuit, & libertatem Germanicam
 fortiter defendit. Protectio miserorum, erectio afflictorum, resti-
 tutio ejectorum Regibus est naturalis, & non tam jure sceptri,
 quam lege humanitatis Principibus competit. Boni Magistratus
 est regere suos, protegere socios: nec ullum majus boni Imperii
 instrumentum, quam salvati ab hostibus vicini. Quod si jure
 communi omnes Reges decet afflictis succurrere, nullis tamen
 justius vel felicius unquā id usurpatum fuit, quam gloriosissimis
 Francorum Monarchis: qui jam à seculo & amplius, ut antiqui-
 ora & magis extranea linguamus, Catholicis & Protestantibus
 Imperii Statibus frequentes contra invasiones Hispanorum sup-
 petias tulerunt. Ita Frâciscus I. An. C. 1534. junctis cum Philippo
 1534. Hassiæ Landgravio armis, Vlricum Ducem Wurtembergensem
 fraudibus Austriacorum à Suevis ejectum, post quindecim anno-
 rum exilium, juribus & ditionibus omnibus, quos jam Ferdinan-
 dus I. sub nomine feudi Imperialis occupaverat, restituit. Ita
 1552. Henricus I. I. inito cum Protestantibus fœdere 1552. Ioannem
 Fridericum Electorem Saxonie, & Philippum Hassiæ Landgravi-
 um, à Carolo V. contra fidem jam ultra quinquennium custo-
 diaz mancipatos, in pristinam libertatem reduxit. Ita A. C. 1620.
 cum

cum ex Vñione Protestantium & turbis Bohemicis res Catholico-
 rum in magnas redactæ essent angustias, & Cæsar ipse pene
 jam Viennæ obsessus, non modo de regno Bohemiæ & Hunga-
 riæ, sed etiam de provinciis hæreditariis periclitaretur, Ludovi-
 cus XIII. tam zelo conservandæ fidei Catholicæ motus, quam
 iteratis Austriacorum precibus exoratus, missis legatis ad Con-
 ventû Vlmensem Vnitorum omnium vires & consilia distraxit,
 inducias inter utrorumque exercitum conciliavit, pacem Tran-
 sylvanorum Principi persuasit, atque ita data Cæsari ad respiran-
 dum occasione, domum Austriacam certissimæ ruinæ eripuit.
 Quod si Imperator tot beneficiis abusus, victorias contra Hære-
 ticos & rebelles obtentas hodie innocentium cladem & vicino-
 rum oppressionem convertit, & fortunas Imperii ad privata fa-
 milix suæ commoda transfert, nemini mirum videri debet, si
 Rex Christianissimus omnium illarum victoriarum author, en-
 ormes ejus usurpationes moderari, & ad justitiæ prioris æquili-
 brium reducere conetur: præsertim cum probe calleat, quid in-
 ter Rempublicam & religionem sit discriminis, nec Imperii aut
 sociorum jura ita evehat, ut fidei Catholicæ causam vel exerciti-
 um deprimat. Quod verò Bruxellensis ille calumniarum confarci-
 nator protectionem istam vicinorum principum tanquam inva-
 sionem provinciarum exterarum traducit, illud mendacii ipsius
 inanitate facile refellitur. Namque, ut ex prisca & Authenticis
 Historiis constat, Archiepiscopatus Trevirensis cum Episcopati-
 bus suffraganeis & vicinis Mediomatricum, Tungrorum, & Vi-
 rodunorum, ab ultima antiquitate regno Francorum uniti, An-
 no demum 943. clade & imprudentia Ludovici Ultramarini ad
 Otthonem II. Imperatorem translati, tamen semper postea sub
 amicitia & clientela Francorum, licet urbes essent Imperio sub-
 jectæ, floruerunt: & ipsi civitatum Antistites Gallorum suppetias
 & protectionem, sine ulla Imperii noxa, & libertatis suæ detri-
 mento expetierunt & obtinuerunt: prout inter alios A. C. 1337. 1337.
 Henricus Aspremontius Verdunensium Episcopus Philippi Va-
 lesii: A. C. 1450. Conradus Bayerus Metensium Antistes Re-
 nati Andegavensis Lotharingæ Ducis: & 1467. Ludovicus 1467.

M. M.
 Author tu
 mus
 pro domo Au-
 striaca Bru-
 xellis editi
 1635. Ri-
 chard. VVaf-
 serburg. in
 Antiq. Gal-
 lia Belgica
 lib. 1. p. 12. &
 lib. vii.
 p. 102.

Borbonius Leodiensium Pontifex Ludovici XI. Galliarum Regis & Caroli Audacis Burgundiæ Ducis tutelam & patrocini-
 um contra rebelles vel invasores juris Ecclesiastici, illæsa Majestate
 Imperii postularunt & impetraverunt. Quod vero idem rabula
 excipit, ex antiquissimo fœdere inter Præsules Trevirorum &
 Comites Ducesque Lucelburgenses inito, Archiepiscopatum &
 Civitatem Treverensem sub protectione & Advocatia Ducum
 Lucelburgensium esse: ideoque illustrissimum Trevirorum
 Electorem potius Hispaniarum Regis, qui hodie Ducatum Lu-
 celburgensem obtinet, quam externam Gallorum protectionem
 ambire debuisse, frivolum est & ineptum. Novimus enim verò
 jam ab aliquot retrò seculis Comites Lucelburgenses sponta-
 neam tutelam Trevis obtulisse, & Carolum IV. ejusdem stirpis
 Imperatorem, ut Wenceslao filio stupidissimo Imperium emer-
 caretur, Anno 1374. Cunoni Archiepiscopo Treverensi pro suf-
 fragio Electorali non modo ingentem pecuniæ vim exsolvisse,
 sed etiam mercenariam protectionem contra cujuscunque ge-
 neris hostes promississe: & mox A. 1376. litigio de jurisdictione
 inter Præsulem & Civitatem ad se delato, urbem ipsam & Rem-
 publicam pleno jure Antistiti subjecisse, quod tamen hodie dum
 à civibus in controversiam vocatur. Sed novimus etiam, prote-
 ctionem istam Archiepiscopum jure suo absoluto non spoliassse,
 nec eum ex cliente Lucelburgensium Hispanorum fecisse man-
 cipium: justeque posse principem liberum deficiente protecto-
 ris antiqui patrocinio, tutoris novi clientelam impetrare: præ-
 cipue cum tanta ingruit necessitas, ut nisi præsentissimo reme-
 dio salvari non possit. Quod cum liberè Illustrissimus Treviro-
 rum Elector ab imminentibus Suecis jam pessumdandus fecerit,
 non est quod Hispanos malè habeat: qui tantum abest, ut tunc
 temporis aliis jure protectionis suppetias ferre potuerint, ut ipsi
 potius bello gravissimo cum Hollandis implicati, integras pro-
 vincias & urbes munitissimas Venloun, Ruremundam, Traje-
 ctum & Limburgum perdiderint. Neque vero hic prætermitt-
 endum est Austriacorum artificium, qui dum pace Pragensi
 tranquillitati Germaniæ studere se simulant, tamen neglectis
 Imperii

*Guilhelmus
 Kyriander in
 Annalibus
 Trevirorum.
 p. 158. &
 194.*

1374.

1376.

Imperii rationibus, domesticis suorum commodis unice consulant. Cum enim jam ab antiquo plures inter Gallos & Hispanos de Regnis Neapolitano, Siciliæ & Navarra, & Ducatibus Mediolani, Burgundiæ, &c. controversiæ & bella extiterint, Francis injustè erepta justè ab Iberis repetentibus: Imperator Gallis bellum publicum denunciavit, lites suorum privatas toti Imperio communes facit, gentilibus commodis omnes Principes astringit, & pro tuenda Hispanorum tyrannide Germanos cunctos armis externis implicat: techna quidem Austriacis jam olim tentata, sed semper à Statibus Imperii fortiter rejecta. Sic enim A.C. 1492. Maximilianus I. in Comitibus Confluentiæ habitis, & Carolus V. in Epistola ad Electores data Madriti 29. Novemb. 1526. & rursus 1542. in Comitibus Spirensibus Carolum VIII. & Franciscum I. Francorum Reges, ut turbatores Reipublicæ Christianæ, Ducatum alienorum invasores, Turcarumque & Hæreticorum fautores traduxerunt, & bella privatis sibi facta, ut injurias Imperio illatas, totius Germaniæ viribus vindicari incassum petierunt. Eadem ratione eorum successores viam nullam omiserunt, ut publico quodam Comitiorum decreto Ordines fœderatos Belgii, ob excussum Hispanorum jugum tanquam Imperii rebelles, & læsæ Majestatis reos proscriberent: quod ipsum tamen ordines Imperii in Comitibus Wormatiensibus 1578. & nuperis Ratisbonensibus 1630. absolute rejecerunt. Et vanissime in argumentum belli causa Lotharingica assumitur: quia Austrasia à primis olim seculis sceptro Francorum unita, & præcipuum regni Gallicani sub utraque stirpe patrimonium, Anno demum 980. à Germanorum Regibus simulato beneficiarii juris obsequio Francis surrepta, & à Lothario Rege Francorum contra voluntatem Procerum Otthoni II. Imperatori in feudum collata fuit. Quo respiciens Gerbertus postea Archiepiscopus Rhemenfis, & tandem Pontifex Romanus Epist. xxxv. Adalbero, inquit, Rhemorum Archiepiscopus à Lothariensis regni primatibus obsides accepit, eosque filio Imperatoris parere coegit sub Regis Francorum clientela. Quod si succedente tempore Lotharingiæ Duces in confinio utriusque potentie constituti, & ha-

1492.

Extant apud

Gedastum

Constitut.

Imper. Tom.

II. & IV.

1526.

1542.

1578.

1630.

980.

Almainus

Hist. lib. 5. c.

44. pag. 510.

editionis Fre-

heriana.

Continuator

Chronici Flo-

cardi, qui

extat To. II.

Hist. Gall.

editum à

V.C. Andrea

Duchefno.

1636. p. 626.

Extant ibi-

dem. p. 797.

bitu sortis ancipiti inter utrosque fluctuantes, neutri fideles utrique obsequium subtraxerunt; certe non magis Cæsaris interest, causæ Lotharingicæ miscere Imperium, quam Lotharingi fuerat copulis clandestinis & armis apertis Galliæ quietem turbare, & injuriis atrocissimis Majestatem Imperii Francici lædere. Sed desino justissimæ causæ patrocinium obtrudere, quæ jam sæpius è cælis approbata, hostibus plius reliquit ignominia, quam gloriæ. Et ex hæcenus expositis colligo, unicum Transactionis Pragensis scopum fuisse, magnitudinem domus Austriacæ per fasque nefasque promovere, Imperium illi cum regnis Bohemiæ & Hungariæ facere hæreditarium, & denique prostratis reliquis Europæ regnis Monarchiam Hispanicam ubique stabilire. Ita penè per singulos hujus conspirationis articulos, quicumque Iberis vel adversi vel suspecti, vi Franci, Sueci, Hollandi, à pace exclusi armis communibus impetuntur: quicumque vero illis sunt amici, vicini, aut affines, exuviis proscriptorum aucti ingentibus præmiis afficiuntur. Scilicet ut familia Austriacæ absolute Germaniæ dominari posset, primo principem Imperii columnam, Electorem Palatinum proscriptum oportuit, quippe cujus vires, fœdera, & amor erga patriam consiliis Hispanicis jam dudum fuerant adversa. Mox dejecto Palatino, ditiores ejus & dignitates Bavaris & Hispanis conferendæ erant; non tantum quia regiones Bavari patrimonio Cæsaris veluti pro vallo contra superioris Germaniæ Principes Hæreticos abjaceant: sed etiam quia hac ratione Austriaci Collegii Electoralis suffragia semper in numero habituri sint. Denique, ut Imperator pro libitu omnibus Imperii viribus uteretur, exercitus L. x. x. legionum ab ipsis Principibus suppeditandus & nutriendus, Hungariæ Regis imperio absoluto conceditur; quo non modo Duces & Ordines refractarii castigentur, sed etiam quod reliquum est Protestantibus potentia penitus excindatur. Sic domita & oppressa Germania, recuperata Lotharingia, facile postea visum invadere Galliam, subjicere Hollandiam, & Britanniam jam olim thoris Hispanicis debitam sub jugum mittere: prout ipse Imperator confitetur in Rescripto de causis & uti-

utilitatibus pacis Pragenſis edito Badæ 8. Junii 1635. *Pace hoc modo conſtituta , facillimo negotio nepotem ſuum Hiſpaniarum Regem Hollandos in ordinem redacturum.* Tantum ergo abeſt , ut Tranſactione iſta pax & tranquillitas publica fuerit quaſita , ut potius extincta ubique pace , bellum per totam Europam ſuſcitatum , omneſque Principes volentes , nolentes armis fatalibus domus Auſtriacæ fuerint implicati. Miſerrimam ſane pacem , quæ vi aperta imperetur ! triſtiſſimam tranquillitatem , quæ omnia turbet ! inſidam ſecuritatem , quam ſinguli caveant ! Profecto metus & terror infirma ſunt charitatis vincula : quæ ubi removeris , qui timere deſierint , odiſſe incipient . Ibi tantum pacem conſtat eſſe fidam , ubi voluntarii ſunt pacati ; neque coloco , ubi ſervitutem eſſe velis , diu ſperandam . Certe nemo mortaliū in ea conditione , cujus eum pœniteat , diutius quam neceſſe ſit , perſtabit : & ſemper ſub quiete incerta , quanquam manente in ſpeciem concordia , offenſarum opera metuentur . Ea demum vera tranquillitas eſt , quam omnes approbant , ſinguli expectunt ; qua iræ mutantur in amicitias , odia coeunt in fœdera : & æqualitate inter cunctos ſervata , Amneſtia ad quoſvis extenta , hoſtes vel beneficiorum magnitudine , vel injuriarum oblivione vertuntur in amicos .

Finitum 16 Maii M. DC. XXXVI.

A N N O .

ANNOTATA C U J U S D A M :

VBi cifra paginam indicat, in qua manus index in margine monstrat locum textus hac ipsa litera notatam.

^a Fol. 11. *Sub Imperatore Matibia hac facta, sed à Ferdinando Rege Bohemia electo continuata sunt.*

^b Fol. 29. *Fridericus Elector Palatinus in ipso Electionis actu suum suffragium Ferdinando non dedit, sed Bavaro. Cum vero cetera suffragia in Ferdinandum ivissent, ipse hoc impedire nec potuit, nec voluit; sed Ferdinandum pro Rege Romanorum agnovit ac coluit.*

^c Fol. 30. *Non fuerunt ista Imperii iusta Comitia, sed tantum Electorum atque unius alteriusque Principum cum Imperatore institutus Conventus.*

^d Fol. ibid. *Hac non tam Landgravio, quam Archiepiscopo Moguntino Cronenbergio tribuenda sunt.*